

星上九論同本

集諸法寶最上義論上下同卷

金剛針論 菩提心離相論

大乘破有論三卷 集大乘相

論上下 六十頌如理論 大乘

二十頌論 佛母般若波羅蜜

多圖集要義論四論同卷

佛母般若圓集要義釋論二卷

上下分四

最上九論義

星

集諸法實最上義論卷上

善 寂 菩

薩

造

宋西天三藏朝奉大夫試光祿卿傳法大師施護奉 詔譯

歸命一切佛歸命諸法藏頂禮一切智廣大甚深理
我今造論名曰實最是諸法中最上眞實決定勝義
論曰若人若天及諸情類從無始來癡暗爲因有語
言道是惡趣根若有樂入彼一切智清淨界者是故
歸命佛曰光明此中云何所謂離我等性及一切因
當知一切煩惱業生雜染等法無初無住而無實體
雖有所生與夢幻等如夢幻故從分別起當知諸法

集諸法實最上義論卷上

一

目一

皆從緣生是故諸佛緣生義中宣說諸法諸物性空
空無自性而亦不應於中作無實想是故清淨阿賴
耶識雖有所受而無所著此義甚深又復廣大諸經
教中皆如是說諸有樂欲求解脫者應當如實覺了
諸法當知諸法不離於識若離識者是性卽斷是故
法中無實有性法集經中作如是說若法是實若法
不實若有自性若無自性是二不應將幻喻等諸法
非有性而亦非無性此中所說若實無性無性名空
空卽成斷若實有性是性爲常當知言空與非空異
離空非空亦無所得又如明暗二不相合離暗離明

俱無所得是故應知此中所說明不現前暗云何離
智之與愚二不相合離智離愚亦無所得非智非愚
是二中間我想皆空彼一切法無內無外亦無中間
無法可取無法可捨寶積經中作如是說若說言有
此爲一邊若說言無是爲二邊若一若二若彼中間
皆無有相而不可見無相見故亦不可說無形無像
不可表示無種類法無所攝藏亦非中邊有所安立
此中所說是真實說性與無性本來如是作此解者
真觀聖諦能離貪等煩惱過失設復煩惱有所生起
於聖諦中而無所著若如是知如是解者卽得如來

功德聚身作師子吼轉大法輪普令一切皆悉見聞
楞伽經中作如是說我語無相而不可取轉識經中
作如是說離識有法理不相應投記經中作如是說
當知識心徧一切法十地經中作如是說色法無實
不可取捨那耨俱梨經中作如是說若了諸法性卽
非智所知是故此中無實可得智體無實當知如幻
諸經教中作如是說諸菩薩者隨諸相轉是相無實
義無所得勝義諦中言不可立寶雲經中作如是說
若本是無不可言有識離分別名不可立彼勝義諦
真理離言而諸物性實無所得此如是說是決定語

佛所說意破諸無智現愛經中作如是說若言有物是爲空者衆生業報應有染淨若有染淨卽是有作若有所作卽種種相隨世間轉有相轉故見有所成若能安住無顛倒想卽知物性無別實體此如是義者慈氏菩薩問世尊如實說我本無邊菩提亦無邊菩提無邊故無菩提可得我無邊故無求菩提者亦無少法是智所知唯諸佛智而能照了彼真如法卽是無性無性卽是如來如來者卽是無生性颺鉢多設多經中作如是說彼一切法若說言有此爲常語若執爲無卽成斷見若非有非無又中間不立寶星

經中作如是說貪等煩惱一切染法若解脫者是無盡相若能了知煩惱自性本來清淨勝義諦中脫無所脫若欲眞實觀如來者當觀如來解脫所生不從因生不從緣生非有相生非分別生遠離一切名言差別非色相非色眞如乃至非識相非識眞如非晦非明非卽非離非見非知離諸識法非所了別不於一切識法中住若能如是觀如來者名爲正觀若他觀者名爲邪觀以邪觀故彼不能見如來眞實此中所說如實義者離有離無非性非無性如是名爲眞見如來無垢稱經中作如是說華嚴經中有一天子

問妙吉祥菩薩言云何實語不實語一切煩惱云何
調伏妙吉祥答言如人夢中見彼大蛇是人雖見非
毒所害煩惱雖生而無實性是性清淨而自調伏此
爲實語非不實語又海慧菩薩問不思議梵天言法
本無證及無所說云何有佛及諸佛法不思議梵天
答言若佛如來出興於世及彼演說諸佛法分若有
若無本自如是本來無說亦無所證無說故無聞無
證故無得但爲衆生煩惱業生諸果報性引生諸佛
大菩提心住諸菩薩悲心境界若諸衆生煩惱等性
能自調伏所有諸行而不常行無求無願彼煩惱性

集諸法實最上義論卷上

四

星一

悉清淨者諸佛亦復無證無說又善財童子言當知
諸法皆悉如幻我於幻中而求解脫如是等義華嚴
經說當知諸法如幻如夢如陽燄如聚沫如乾闥婆
城三界一切法從識心所生心如幻故三界如幻若
有一物有實體者此說幻喻理不相應三摩地王經
中作如是說如上諸義諸經中說

復次我今依經略釋餘義如妙吉祥菩薩言菩提者
不可以身得不可以心得若無心卽無身身心離故
無爲無作如幻如化若如是說爲菩提者諸佛說此
是爲菩提能入諸佛平等境界是故乃可名智莊嚴

而不莊嚴彼一切智一切智性不可得故菩提無生亦復無滅不一不異非此非彼諸佛如來咸作是說又復譬如世間一切種子而能生長一切芽莖若無種子芽莖不生釋迦菩薩坐菩提場成等正覺其義亦然但從緣法而生起故雖有所證而無其實此卽說爲遊戲神通是故當知無有外法諸佛如來亦無有性是故離識實無一法若離識者法不生故若心能生心卽無生若法所生法亦無生以是義故諸佛如來於無生心中說菩提義佛說識心能生菩提亦非識心而能生故何以故識性空故妙吉祥所說是最上真實於自佛境界中如實而說又復諸法皆從緣生而彼所生亦無自性是故諸法皆悉如幻如幻之言是如實說慈氏菩薩現住如幻三摩地中是故世尊於是三摩地中與授其記爲表示故又復世尊於無數經中宣說諸法從識所現離生離滅非有相非攝藏無起作無止息不有不無非常非斷當知智性皆悉如幻沉復諸法有所分別若有執著斷常語者彼非正行佛不許可若知諸法非斷非常彼正相應說名真實於自分外無法可著亦無有法是心所對雖於諸法說種種句但隨諸法爲表了故當知自

識而非他識於其外義而無少法所可樂欲自識無性他識無性於自於他亦無異性彼真實智離有離無當知我識亦復非有補特伽羅蘊語所攝是故應知一切佛一切法皆自分有若離自分求不可得卽此所說離有離無是甚深義諸佛皆說此微妙法遠離一切取著分別離此亦復無別所說諸迷謬者若著於有卽有善惡界趣二種差別若著於無卽無其想剎那生起是故著有著無俱不相應諸佛如來悲心方便宣說此義謂一切法離有離無如是所說是最上句是故此說諸法眞實法無著性非諸所觀彼

無著性離有離無若如是知是大智者當觀虛空無增減無分量無邊際卽此虛空出生一切清淨識心亦復如是此心無心一切出生又如淨摩尼寶彼無心故映現一切或有問言云何分位而無能取應如是答謂彼虛空無作邊故卽無能取若彼虛空無作邊者量云何得當知一切衆生界如微塵聚彼一虛空悉能容受而諸衆生等虛空界無所增減若一切有情及一切方分一切種類一切形相一一分別是中實無一性有所生起以是義故非一性非多性一多中間而亦無性若言一性定有所得卽種種性而

有差別有差別性卽分別生是故一性多性是性平等若於外義無所取著於智亦復而無所得若於外義無所取著於智亦復無所生起若知識心離諸有相而彼外法有何分量若知識心是諸有相而彼外法亦何分量是故應知於彼外法實無一性而可生起如夢等法無實作用若言諸法是此此無自相若言諸法是彼彼亦無實若於自心有所了知卽此自心亦復無實若如實知者名覺了識相若有一切麤重分別心起當知皆是煩惱差別所生若能了煩惱性離分別心卽生死涅槃二俱清淨此清淨性卽諸法性是性亦復名爲真如名爲實際亦名爲空是諸性中若染若淨實智所觀皆悉平等或有問言於一切法中何者是不壞應如是答諸法自因不壞云何不壞不壞因性故若法有性若法無性不離自性於二義邊何能安立若諸法因及諸作用有所壞者於一切處理不相應諸法實性云何隨轉謂彼實性無所住故諸法無性云何有因離因亦復無別性故又諸法實性而無所壞卽壞之名亦復無住此中亦無差別因性彼壞滅性無分位故諸法真實是常住性彼常住性非無常性若離實性別義作用理不相應

然諸物性而亦不滅又非無常性是眞實性眞實性
中而有何義是所作用無差別性不可分別彼一切
常徧一切處又非無常性是眞實性眞實性中相云
何得諸不眞實此云何立諸別異性此云何現是故
非無常性應如是知亦復當知無常性者於物性中
自類而轉聚類所現差別因故所欲爲因而生起故
若或以彼諸無常性而於此中爲決定說與唯識義
理不相應彼無常性無決定故若法不壞亦非不壞
有法剎那而生起故若言不壞者何名無常性若非
不壞者又何名因性過去未來法亦如是皆無物性

定實分別諸法隨轉隨其分位此復何因謂無任故
諸有爲中現前事滅卽彼後事還復生起前不可分
別引生後分後不可分別從前分生若言諸法此有
所得卽於此中起分別因若言諸法彼有所得卽於
彼中起分別因過去未來無任亦然是中不應有所
分別剎那法中可說有壞不壞義邊非剎那法若於
彼因如是了知前後中際不可分別

集諸法寶最上義論卷下

善

寂

苦

薩

造

宋西天三藏朝奉大夫試光祿卿傳法大師施護奉

詔譯

復次今說生住異滅此之四相剎那剎那有所轉故不相應相而無其實於不相應無實相中不可起二分則不可說一時不可說異時一時異時無生起故又不可說無時理相違故若說壞時壞即不生故是故當知生時無住住時亦復而無所得彼無住性云何有滅彼生與住說名爲異若本無生云何有住若法無住即云何得以無生故及無住故於何義中而

集諸法寶最上義論卷下

一

星一

說有滅若法有住於住法中可說異性法既無任何有異性無異性中不應分別當知異性而非住性實無一性而可分別是故諸相及分別心此爲二種若無諸相即無分別若彼諸相若分別心有分別者二俱分別如實義者無相無分別生住異滅若有性者於一切時一切處一切法初中後分不可安立若能如是如理思惟者佛說是人名爲大智初分中分後分諸性於三分性中實無一性有所生起是故諸法非一性非多性一多中間俱無所得若一切法離一性離多性即常與無常無所分別是故非無常非非

無常不應於中起二分別當知初分中分後分不俱時生不俱時有如他人性卽自所無若自體性他云何有此中所說自性尙無他性何有是故自亦無性他亦無性當知一切法所行所作不離因性若壞不壞非心所思不可分別初中後分如實思惟皆無爲相無別異相不應分別彼彼諸法各各種子彼各各性一一不離智種子生剎那剎那時分轉易是故彼彼一切法性云何心能思惟生起一切法中差別事相當知無因亦無差別諸法本來無所造作雖作用相續當何有實是故所知諸法及能知者是二於剎

那中不能和合彼如是性實無能取是中無所有亦無所得當觀諸法生已卽壞若法不壞卽非生法以法壞故而無所得彼不壞者是常任性卽常任性彼亦復離卽離之言是中亦離若如是知卽了諸法彼差別性是常住因無差別性亦復如是諸有爲法卽生卽滅故名無住若有住者應有所得以無住相無所得故彼無住法是故相應一切行中諸差別行若彼彼性有所得者於無差別行云何對治是故差別行中無性可生

復次當知眼等諸識有現量性大牟尼師親所宣說

若離現量性別取量非量者彼於此中當云何得世
間所有先所作事皆無所依如諸所作無作用性若
彼如是諸現前事如其現前亦無所成是中若有所
行及非所行卽諸作用義皆相違是故一切無實作
事皆如虛空常與無常俱不可執當知諸法皆從緣
生雖生亦無少法可得緣如幻故所生如幻卽彼如
是出生諸法以是義故諸法無性亦非無性此如是
義正等正覺如實宣說當知一切法無著無礙於大
乘中此真實說如是了知卽菩提心本來平等十方
三世一切如來如實知故出生方便宣說一切甚深

集諸法寶最上義論卷下

三

星一

法門如其所應名言分別是故各各宣說表示出生
諸法所謂彼彼法是四諦法彼彼法是唯識法雖有
所說而常真實彼彼諸法皆悉如幻由如幻故不可
尋不可伺不可知無表示無攝藏若離如是等卽知
法真實以知真實故而菩提心速得解脫若菩提心
如是解脫卽諸佛亦然衆生亦然生死亦然涅槃亦
然法界亦是故佛與衆生二俱平等生死涅槃亦
復平等若於此中如是如實了知是義佛說此爲諸
佛菩提乃於一切所行所作悉能成辦此所說義是
第一義離此無別有第一義此第一義攝一切法是

不思議眞實語行離有離無非智非愚非少非多無相無性無所照達智不可知識不可識不卽自性不離自性無取無捨離取捨相從如實智之所出生隨所出生隨所言說無取相無攝藏非心所思不可知故非眼所見不可見故何以故心無自性故由心無自性卽一切法無自無他以無自他二種差別卽一切法自性相應無生無滅無集無散非智非愚無有少法有所表示有所照達當知彼彼菩提種子而彼彼相爲表了故若能於彼彼相觀無我者菩提種子亦無所生諸菩薩摩訶薩自性眞實以善方便出現

集諸法實義論卷下

四

星一

世間起大悲心示有所證而諸菩薩自性眞實無生無滅當知識法遠離疑惑無有少法而可生起我我所空而無有相顯了表示識相光明而無自性然光明性彼性自常是故我相性者無有光明無光明中云何可說有光明相如諸光明而能破暗然暗與明不近不合不近故明何能破不合故暗何所破若明暗相遠又俱無所得是故當知明能破暗不卽不離不可於中定實分別暗雖有破無能破法彼能破法無別分量何以故破名無住故由此應知彼一切法因緣和合而有所生以緣生故如幻而成如幻法中

彼癡暗等亦非煩惱但爲智障而不了故離識分別亦非光明有所生起是二實性俱無分別此中見邊而實無得

復次當知觸作意受想思欲勝解念定慧如是等心所有法彼彼皆是菩提之相而彼一一自性清淨若或有法非菩提相者而於自體理不相應當如虛空自性清淨而彼智性亦然清淨若知我相實無所有卽彼識心亦復無生若識無生者彼一切法當云何有是故應知諸法皆從真實所生諸法因緣和合卽生雖生無實而無所有諸法如幻識心如幻緣亦如

集諸法實最上義論卷下

五

星一

幻由如是故識從緣生當知智性亦復如幻無所分別無所了知諸法自相非智所知但有言說皆不相應此中若能離諸分別若生若滅皆悉遠離緣生如幻所生亦如幻云何如幻中而實有生當知識心彼如幻故智亦如幻智如幻故所知亦如幻智與所知俱如幻故生法亦然生法如幻故諸法亦然如人見彼幻所作象如其所生卽有三事世間諸行亦復如是如其所生亦有三事若於此心有所見者卽有言說及所作事若了無心卽無所思無心無思法云何有若有我相及有我所可說有見無我我所當云何

見彼菩提相亦云何證此無我相如是應知一切幻法而無所有如幻所現說名爲有有性無性彼自性性此性無著一切處現若法是有卽不應無此有亦復現前無體若法は無卽不應有此無亦復現前有實是故無生亦無攝藏由此應知若法言有不如有若不如有卽應是無此中言有又不可定記法界自性應如是說若諸色法是實有體於第一義然無所有是故此中諸所作事皆從幻化分別起故若法有性若法無性本自如是若非有性若非無性亦復如是有性無性自性相應性與無性非心分別若有說言諸法是一一無自性若有說言諸法是異異無自性一切法中無自性性說不可得所有諸佛隨三世轉普令世間一切衆生盡得解脫而諸佛界無增長因彼彼亦復無增長性真實性中諸佛常有當知一切法四種分別所謂若有若無是二非二世間如幻心亦如幻云何無說而有所說一切法空離諸所著空亦不離彼眞如性是中不應戲論分別以是義故諸法無性應如是說當知諸佛正等正覺非性非無性性與無性皆離著故此卽非空亦非不空空有中亦無所立是故一切法無生無性以無生無

性故隨諸有相處處表示然其執相義無所得無實
取性是卽真實諸法無生亦復無滅彼一切法皆同
一相此中如是同一相故卽一切法無染無淨若言
諸法有生有滅當知皆從煩惱種子虛妄生起若說
諸法爲無生者彼說名爲斷見增語若說諸法爲無
滅者彼說名爲常見增語是故應知諸法離言不可
說生不可說滅一切法中若生若滅實無少法而有
所得若能離彼二種增語卽一切法非斷非常有性
無性性自真實此中無有少法是所得相無有一事
而實可轉諸法雖生而無所有是中亦復無實境界

智如虛空離諸有相智與虛空皆悉平等當知一切
差別分別爲煩惱網礙清淨性真如無相離諸所緣
自性清淨有大光明是故當知諸佛世尊本眞如性
是爲佛寶以清淨因示清淨法開生正解自性任持
是爲法寶指眞實道自體相應是爲僧寶如是三寶
皆無爲相非蘊等法無所集無所有無有相無分別
是故諸佛世尊住勝義諦從如實道如實而來故名
如來如實了知無我等法是故現諸色相及功德法
從初發心修諸勝行得不退轉乃至最後一生補處
成等正覺此所因者從無垢眞如現諸佛身此所現

身是方便生宣說諸法然無說相何以故無性無所有故識心清淨是識卽有諸所作事亦如是現雖無取而亦無說以勝義諦不可取不可說故卽此無取及無說性體自眞實亦不可說以不可說卽無分別無分別性是勝義諦於勝義諦中隨事分別所有諸法聲如是如是諸法說彼彼諸法無說相諸法法性皆平等諸法無我亦無自性有性無性彼彼自性離有離無而不可取亦不可說此中如是若有若無語義甚深離相而說諸法無證相此名正等覺諸法離說相是名眞實說無生亦無滅諸法甚深義

各各諸境界無我而無轉外法不可轉外法不可取施戒等諸法雖說而無相是故於一切法無所取相卽無所著此中亦復無別作用設有所作事亦說名爲空作用空故無實行相無實行相中法無增無減若於諸法虛妄分別當知彼心執相中轉起彼心故是愚癡者著煩惱性彼非解脫若不起彼虛妄分別諸所作事皆悉寂靜彼能如實而得解脫無分別故心性常寂是故諸法從緣而生雖有所生說名爲空當觀自法而無有相正等正覺作如是說當知諸法無集無散無自無他無有少法取相可得如初亦如

後初後相應而彼真如性光明照若能照達彼真如性諸法緣生現而無礙如幻所生亦如是說此所宣說大乘出生當知一切法若生若滅非尋伺道而能知故何以故諸語義邊無所著故彼真實性不可知故是故現前無所取著智者如實離諸言說彼分別心說名爲網離分別故卽得解脫彼解脫心如空平等如是所說是甚深法若於此中如實信解是大智者彼信解心與三界等是心清淨離諸塵垢復能遠離一切染著卽於諸法無取無捨一切執著愚癡皆悉遠離彼能獲得十種自在彼於自法覺了實性無

自性中亦無所住於諸法中如實信解如所信解如實而住譬如虛空周徧無缺彼一切法圓滿出生亦復如是是法平等普徧一切是中無法若來若去無來去故諸法現前知是義者通達佛教一切生法悉無所著異此亦復無別有法此是大乘諸法要道最上甚深如實而轉識心淨故一切無著與一切法理不相違是故當知一切執心盡處有法彼法甚深非智所觀非所了知有無二處俱不可立以是義故諸佛菩提無能證者無所證處菩提法中無所安立若能如實證自佛者與一切法而自相應諸法無因亦

無所作諸愚癡者思惟分別若執無因又復不能集諸福事起染着心感惡趣報是故智者於此甚深微妙法中如實信解尊重恭敬即得無量最上福聚是名眞實修大乘者是故若人覺了此道是如實道是無著道最上最勝而能發生清淨信者諸佛稱讚有諸無智邪見外道不能捨彼諸執著心此甚深法不應爲說若爲說者理不相應

我所稱讚最上法
初中後善理相應
甚深微妙不思議

集諸功德量無邊
普施一切衆生界

集諸法寶最上義論卷下

十

星一

集諸法寶最上義論卷下

終

音釋

阿賴耶

梵語也此云藏識謂能含藏諸法種故

颯

思合切

補特伽羅

梵語

也此云數取趣伽求迦切

謬 靡切切

垂 苦穴切

虧 也

金剛針論

法 稱 菩 薩 造

宋三藏傳教大師法天奉 詔譯

如婆羅門言衆典之內四圍陀正又於此中念爲其
正又此念中能所詮正又於此中能詮爲正唯此最
上無法過此世若能此業云何作由此能詮若愛若
恚從此而生如一切姓婆羅門上今此言詮亦復如
是此理不然所以者何彼婆羅門何姓何命復云何
知行業云何如何得此婆羅門名又此圍陀云何稱
正帝釋元因云何傷生傷生云何生於月天天元

金剛針論

一 星二

因復生傷生風天火天水天元因展轉往來云何如
是又彼妄執天中死已復生天中人中死已復生人
中傷生亦然四圍陀內作此說者皆非正理此命是
何何因名命婆羅門等亦復如是又汝外道婆羅門
言正典所說婆囉帝山產七禽獸那婆囉陀及別塵
迦陵惹哩山彼山所有鸚鵡鷺鷥鵝鹿之類生在人
中俱嚙乞臘二合此云福地從彼死已生在婆羅門中解四
圍論此等禽獸鹿鵝鴛鴦出生人中彼獸之命是婆
羅門非婆羅門所以者何彼命若是而非禽獸彼命
若非彼生婆羅此言非理婆羅門執四圍陀論是萬

法本亦號真如非於餘姓而許受食於首陀處數數
受利正違自宗何名淨行由此亦非真婆羅門又四
圍陀婆羅門法亥執正命及於正法婆羅門種亦復
非理云何正法種姓間雜何名最上所以者何非最
間雜其事云何且如父名那浴乞又其子乃名兵識
羅仙又如父名阿識悉帝其子亦名阿識悉帝合又
如父名布沙野合左其子乃名嬌尸迦又如其父名
俱舍子其子名爲僧薩多合識又如父名迦癡那其
子亦名迦癡那又如父名婆左虞臘麼合其子乃名
嬌怛麼又如父名迦羅舍引其子乃名訥嚕合孛左

金剛針論

二

星一

哩野合又如父名底逸底哩其子乃名底帝哩合所

切迦又如父名捺囉合翰子名仙覺又如母名野鹿

採魚人生其子乃名嘑野合僧子覺乞曬合父首

陀姓其子乃名尾濕合彌怛覽合母是毘陀羅子名

嘑瑟姪合母名烏哩嘑合尸天所生女非婆羅門如

上所說何因固執言婆羅門人間最上又如所說執

戍嚕合底經正亦非理是故所有婆羅門法道理亦

非

又如所執婆羅門法新肉紫礦及鹽等物戍陀應受
汝婆羅門勿宜受之今何不爾又如彼計乳賣婆羅

門行虛空墮落非婆羅門食肉墮空非理亦爾是故
應知買賣乳肉婆羅門非成陀之法由此當知一切
非食肉乳等人及非買賣皆總得名婆羅門耶是故
應知乳肉計賣非婆羅門妄執非法又世間姓妄執
最上亦非正法如刹帝利毗舍成達各執最上應皆
總名婆羅門姓又執苦身名婆羅門諸有苦身一切
總應名婆羅門又彼妄執殺婆羅門而獲罪重害彼
眷屬獲罪亦爾復執彼從淨天口生刹帝利姓彼天
身上毗舍首陀身足而生若殺於彼故獲重罪彼執
非理所以者何應殺餘姓其罪非有害餘眷屬非有
亦然由是妄執不契正理又彼所執破壞彼行破壞
檀行及彼受施若智若身皆獲重罪此不應然所以
者何身智之中何者得名號婆羅門應首陀等皆有
身智悉應得名婆羅門耶又彼妄執解四圍陀及彌
捨娑并僧佉論尾世史迦乃至諸論皆悉了達名婆
羅門此理亦非如首陀等亦解彼論曉了彼義應皆
得名婆羅門耶若修苦行名婆羅門彼首陀等亦能
行之應亦得名婆羅門耶解諸術數名婆羅門彼採
魚人及諸樂人了解術數種種差別亦可得名婆羅
門耶是故應知行非婆羅門業非婆羅門檀行受者

非婆羅門彼刹帝利毗舍首陀亦能行之應皆得名
婆羅門耶是故應知非族非業非行非生乃至於德
名婆羅門彼因何立日如軍那華亦似白月離一切
染善修勝行威儀無缺戒行具足善伏諸根除斷煩
惱無我無人離諸執著及貪嗔癡悉皆遠離如是乃
名眞婆羅門又離愛染乃至畜生不生貪著修清淨
行名婆羅門是故得知此速骨嚙二合大仙所說此婆
羅門非姓非業非德非行亦非工巧如旃陀羅善四
圍陀工巧藝能德行具足應可得名婆羅門耶是故
應知非命非姓非智非身亦非業行名婆羅門又如

金剛針論

四

星二

首陀苦行修學解四圍陀獲五通仙汝婆羅門云何
奉事此下種姓又彼仙道四姓皆得云何餘姓名非
最上又如帝釋往修善業得生彼天本下種姓彼經
正文作如是說此婆伽婆及於帝釋彼下種姓如是
徵詰一准於前又彼所說大自在天及於天后日中
生彼帝釋諸天及器世間非從世間生大自在及生
天后本能生末非末生本是故此言違彼正說本下
種姓云何妄執從彼而生故知非理又如首陀命終
生彼大自在天汝婆羅門云何奉事彼下種姓又如
汝說婆羅門法服氣餌藥苦行絕食名婆羅門彼首

陀等亦能行之此應得名婆羅門耶又彼所執於首陀處手中受食經於一月現身變爲首陀之身後報生中決定作狗又婆羅門娶首陀女以爲其妻父母家神皆悉遠離死入地獄此執非理婆羅門姓與彼首陀有何差別如迦癡那大仙從於鹿胎而生苦行修學乃證仙道此仙豈可從婆羅門而乃生耶如疇野合婆大仙從探魚女之所生故苦行修學而成仙道此仙豈是婆羅門姓是故妄執不契正理又如疇斯瑟吒合大仙從於烏哩疇合尸天女所生苦行修學乃獲仙道此仙豈是婆羅門生又如鹿角大仙生

金剛針論

五

星二

於鹿胎修習苦行而成仙道此仙豈是婆羅門耶又如尾濕疇合彌怛嚕合大仙從於旃陀羅家女之所生此仙豈是婆羅門耶是故應知調伏諸根不執我人勤修梵行遠離染欲永息諸惑由此方名眞婆羅門而非從彼族姓而生如何妄執婆羅門姓世間最上戒行清潔族姓無雜以此妄執非最爲最是故當知彼婆羅門非姓非命非族非行非業非生名婆羅門又如多人本下種姓持戒修福而得生天何因族姓乃生天耶又如汝宗迦癡曩大仙尾野合婆大仙疇尸瑟吒合大仙善覺大仙尾濕疇合大仙彌怛囉

二大仙曩囉那大仙此等大仙皆從下姓種族而生
苦行修因乃獲仙道何故妄執種姓非雜世間最上
是故虛言應非信受又如彼執婆羅門姓梵王口生
刹帝利姓梵天臂生毗舍種姓梵天髀生從於梵足
乃生首陀是故虛妄多作是執又執苦行堅守其志
名婆羅門應採魚人染師皮作及首陀等堅志苦行
應皆總名婆羅門耶又執彼形編其髻髮腰帶索繫
手執木杖衣素儉食名婆羅門餘成陀等亦能行之
應此總名婆羅門耶又執四姓皆從梵生如何父一
子姓乃別應可首陀乃至餘族一父所生子姓應殊

此既不爾彼云何然又婆羅門從一梵天口中而生
姊妹兄弟自相交契世所呵厭汝能行之云何清淨
是故妄執非淨稱淨如一父母而生四子非可別姓
如何妄執此婆羅門此刹帝利此是毗舍此是首陀
云何一父子姓各別是故四姓妄執差別非如象馬
牛羊駝鹿師子虎狼形足各異此是牛跡乃至象跡
可分差別又如一樹出生華果可無有異非餘華卉
生處不同非可令同汝今四姓道理亦然若婆羅門
若刹帝利乃至首陀皆從一父之所生故云何妄執
四姓差別復有天王名喻地瑟致二囉虔恭合掌來

詣仙人吠娑波灑頭面禮足而白大仙云何得名婆
羅門德復云何名婆羅門相差別之相復有幾種願
今演說令我了解時彼仙人吠娑波灑乃告王言忍
辱精進靜慮般若此乃名爲婆羅門德遠離貪瞋及
諸殺害一切有情是名第一婆羅門相於他所有一
切財物而非貪受是名第二婆羅門相遠離暴惡性
行溫和不封我人捨離繫縛及諸欲染是名第三婆
羅門相於人天女乃至傍生恒離染著是名第四婆
羅門相及復成熟一切有情恒起悲愍調伏諸根清
淨最勝是名第五婆羅門相如是五種悉皆具足名

婆羅門若封彼我非具五相皆名首陀仙人復告喻
地瑟恥合二囉言非族非姓及修苦行成婆羅門彼旃
陀等具足五相亦得名爲眞婆羅門由如是理彼婆
羅門亦名首陀首陀亦名眞婆羅門彼喻地瑟恥合二
囉白仙人言彼婆羅門行不殺行獲果清淨此乃少
分名婆羅門仙人復告喻地瑟恥合二囉言此四姓別
皆由過去宿業因緣猶如世間胎生有情一切皆從
穢處根先有何差別是故戒行復修德業名婆羅門
乃至首陀修於德行成婆羅門若婆羅門不修德業
此亦得名下劣首陀又此五根能起惡業恒應調伏

猶如大海沉溺有情應求濟度令超彼岸爾時喻地

瑟恥合囉王聞仙所說了解踊躍以此所聞廻施一

切無邊有情悉令曉悟非爲自身及貪己命我今日

夜修習忍辱遠離眷屬及於嫉妬一切欲境更不耽

著趣求解脫恒修淨行仙人復告喻地瑟恥合囉言

不殺有情遠離貪瞋清淨無比如是名爲婆羅門行

調伏諸根布施忍辱眞實梵行悲念愍護一切有情

修習智慧如是名爲婆羅門行離邪苦行應有情機

所有衆苦如是名爲婆羅門行又婆羅門識野怛哩

合二經咒中說苦行離執調伏諸根四時行施愛念有

金剛針論

八

星二

情捨離睡眠恒修淨行經於千劫方得名爲眞婆羅

門仙人復告喻地瑟恥合囉言若人解了四圍陀論

名婆羅門稱姓最上餘首陀姓亦能了解何非最上

譬如四姓同遊聖境所有蹤跡不可分別此人之蹤

非彼人跡一姓四姓亦復如是由假施設本無差別

又如世間牛馬等形相狀雖異男女二根同類不殊

彼婆羅門與刹帝利毗舍首陀一姓四姓相望亦然

又如一人血肉屎尿手足諸根與衆多人所有血肉

同類亦然又如蓮華刹怛哩華月螺光色可分差別

於餘四姓色相無異如何差別又如牛馬乃至象鹿

行於染欲而非交契可分差別今婆羅門與刹帝利
毗舍首陀互相交契而行染欲皆同胎生有何差別
又如婆羅門所生之女對餘婆羅門同姓姊妹云何
交契姊妹兄弟夫妻乃爾世間首陀非行此法譬如
世間優曇鉢樹華果枝葉雖復衆多根身無異非能
分別此彼之華汝婆羅門亦復如是非可交會同姓
姊妹世所呵厭非可行之又如捨離身語不善恒修
淨業名婆羅門彼毗舍等亦能行之得彼大仙名嚩
私瑟姑二合又如世間之火能燒柴薪而無分別今婆
羅門對餘諸姓無異亦然又如彼宗彌野二合娑大仙
本是採魚父之所生亦非是彼婆羅門生又如半拏
嚩王兄弟五人同一母生父乃名別此由宿業同母
別父非由於姓而妄執別又如世間鹽處於水形雖
可隱鹽味非無宿業隨身隱顯亦然如是妄執諸有
智人應當審悉非可依信

金剛針論

金剛針論

九

星二

菩提心離相論

龍

菩

薩

造

宋西天三藏朝奉大夫試光祿卿傳法大師施護奉 詔譯

歸命一切佛我今略說菩提心義至誠頂禮彼菩提心如勇健軍執勝器仗其義亦然而彼大菩提心所有諸佛世尊諸菩薩摩訶薩皆因發是菩提心故我發菩提心亦如是所成乃至坐菩提場成正覺果是心堅固又此菩提心是諸菩薩總持行門如是觀想如是發生我今讚說菩提心者爲令一切衆生息輪迴苦未得度者普令得度未解脫者令得解脫未安

菩提心離相論

一

星二

隱者令得安隱未涅槃者令得涅槃爲欲圓滿如是勝願故安立自相正體因故入第一義真實觀故彼菩提心無生自相是故今說所言菩提心者離一切性問曰此中云何離一切性答謂蘊處界離諸取捨法無我平等自心本來不生自性空故此中云何謂我蘊等有所表了而分別心現前無體是故若常覺了菩提心者卽能安住諸法空相又復常所覺了彼菩提心以悲心觀大悲爲體由如是故於諸蘊中無我相可得有諸外道起非相應行執相分別謂諸蘊有非無常法而實非彼我相可得諸法任持真實性

中不可執常亦非無常於我蘊中名尙無實況復有
作及諸分別若言有一法乃至有諸法作此說者世
間心轉隨世間行彼非相應爲常行相此義不然是
故當知諸法無性若內若外不可分別彼能執心而
有何因謂不能離隨世間相若因若相是二無別此
卽非常亦非能執當知心性不可執常是故彼性無
常是常若知彼性是無常者當何所作從何所生取
我等相若離世間卽於蘊中無有障礙若處若界覺
了亦然取捨二法卽不可得此中言蘊者謂色受想
行識此說爲五蘊諸聲聞人於是中學復此當知色

如聚沫受如浮泡想如陽焰行如芭蕉識如幻土此
五蘊義佛二足尊爲諸菩薩如應宣說所言色蘊者
今略示其相謂四大種及彼所造說爲色蘊彼非色
者謂卽所餘受想行三諸教應知識蘊行想如下當
說此中言處者謂內眼等處外色等處此說爲十二
處此中言界者謂眼根等界眼識等界色等境界此
說爲十八界如是蘊處界離諸取捨無方無分不可
分別分別見者是義不然隨起分別卽有所著彼復
云何而得相應若有一相見外義者當知此爲破智
所轉意長養色是義云何應知如是非一非異有諸

外道波哩沒囉惹迦等隨諸異見起三分別是義不然如人夢中造殺害事而彼所作無實行相又如人夢居最上處而彼亦非殊勝行相此義云何謂識光明破取捨相故識法如是外義何有是故諸法無有外義當知一切色相所表自識光明色相照耀如人見彼幻化陽焰乾闥婆城取以爲實諸無智人以愚執心觀色等實亦復如是由此我執是心隨轉如先所說蘊處界義應知離彼諸分差別唯心分位所施設故而種種相唯心所現此義成就如成唯識說此中問言前說五蘊識云何自相答如說心義識亦如是如佛世尊常作是說應知一切唯心所現此義甚深諸愚癡者不能了故不見真實是故若能空其我相卽於是心不生分別起分別者謂邪教故彼所建立是義不成如實義者見法無我是大乘中法無我義自心本來而不生故隨有所生亦復平等自心增上入真實義瑜伽行門所出生故此中應知彼彼所依而無實體此卽名爲淨心現行若過去法過去無實若未來法未來未至若現在法現在不住於三世中當云何住如軍林等多法成故應知識者是無我相彼識亦非爲所依故若於諸法如是見已猶如赤

雲速疾散滅是故當知若法有者從思所現阿賴耶識亦復如是諸有情類若來若去法爾如是譬如大海衆流所歸阿賴耶識所依亦然若有如是觀彼識者卽不可有分別心生若彼各各如實知者而彼彼名復云何說若彼各各知諸物性卽彼各各不能稱說作此說者是決定語是故諸法亦決定生於一切事隨轉成就所知是二差別所知若無能知何立二俱無實法云何得是故應知所言心者而但有名彼名亦復無別可得但以表了故彼名自性亦不可得以是義故智者應當觀菩提心自性如幻若內

菩提心離相論

四

星二

若外及二中間求不可得無法可取無法可捨非形色可見非顯色可表非男女相非黃門相不於一切色相中住無法可見非眼境界唯一切佛觀察平等若心自性若無自性平等法中云何得見所言性者名分別故若離分別心性俱空若有分別可見心者此中云何說名爲空是故應知無能覺無所覺若能如是觀菩提心卽見如來若有能覺及有所覺而菩提心不可成立是故無相亦復無生非語言道而能稱讚又菩提心者猶如虛空心與虛空俱無二相此說心空空智平等佛佛神通佛佛無異所有諸佛三

世事業一切皆住菩提界中之所攝藏雖所攝藏彼一切法而常寂靜亦復觀察是無常法猶如幻化非所攝藏調伏三有住空法故一切無生此說爲空一切無我亦說爲空若以無生及彼無我觀爲空者是觀不成若染若淨二種分別卽成斷常二種見相若言以智觀彼空者是空亦復無別有體是故菩提心離諸所緣住虛空相若觀虛空爲所住者是中卽應有空有性二名差別故知空者猶如世間師子一吼羣獸皆怖如空一言衆語皆寂故知處處常寂彼彼皆空又復識法是無常法從無常生彼無常性卽菩提

菩提心離相論

五

星二

提心此說空義亦不相違若無常性卽菩提心者若愛樂菩提是心平等而亦不說愛樂彼空取空之心當云何得當知本來自性真實一切成就菩提心義又復應知物無自性無自性性是此說義此所說者是心云何若離我法卽心不住此非一法亦非諸法各各自性而自性離如世糖蜜甜爲自性又如火者熱爲自性彼諸法空自性亦然彼諸法性非常非斷非得非離以是義故無明爲初老死爲後諸緣生法之所成立猶如夢幻體亦無實由此說爲十二支法卽此亦名十二支輪循環轉彼生死門中而實無我

無別衆生無三業行果報差別若於是中了緣生法
卽能出離諸境界門彼非行相不壞正因蘊所生故
輪廻後邊非行相故一切無持空空生故法法平等
造因受果是佛所說所有諸法聚類所生如擊鼓有
聲如殖麥生芽諸法聚類其義亦然如幻如夢緣生
所現諸法因生而亦無生因因自空而何所生是故
應知諸法無生卽此無生說名爲空如說五蘊蘊性
平等彼一切法亦如是念若有說空如眞實說而所
說空體亦非斷非斷體中實亦不可得說體爲空空
亦無體若了無實作者無常諸煩惱業積集爲體是

菩提心離相論

六

星二

業亦復從心所生心若無住業云何得如快樂心是
寂靜性彼寂靜心而不可取諸有智者能實觀察彼
見實故而得解脫又菩提心者最上眞實此眞實義
說名爲空亦名眞如亦名實際是卽無相第一義諦
若不了知如是空義當知彼非解脫分者於輪廻中
是大愚癡輪廻行人六趣流轉若有智者能如實觀
彼菩提心與空相應如是觀已乃能成就利他智慧
無礙無著是卽知恩報佛恩者常以悲心普觀衆生
父母眷屬有種種相煩惱猛火常所燒然使諸衆生
輪廻生死如所受苦念當代受如和合樂念當普施

復觀世間愛非愛果善趣惡趣饒益不饒益隨衆生轉而諸衆生本來無得隨智差別起種種相所有梵王帝釋護世天等若天若人一切不離世間相故又復觀察所有地獄餓鬼畜生是諸趣中一切衆生無量無數種類色相不饒益苦常所隨轉饑渴所逼互相殺害互相食噉因如是故不壞苦果諸佛菩薩如實能觀善趣惡趣一切衆生諸業事自相如是如所觀已起方便心善護衆生令離諸垢諸菩薩由此以大悲心而爲根本以彼衆生爲所緣境是故諸菩薩不著一切禪定樂味不求自利所得果報過聲聞地

菩提心離相論

七

星二

不捨衆生修利他行發大菩提心生大菩提芽求佛菩提果以大悲心觀衆生苦阿鼻地獄廣闊無邊隨諸業因苦報輪轉此種種罪受種種苦菩薩悲心念欲代受此種種苦有種種相說無有實亦非無實若了知空卽知此法隨諸業果如是順行是故諸菩薩爲欲救度諸衆生故起勇猛心入生死泥雖處生死而無染著猶如蓮華清淨無染大悲爲體不捨衆生空智所觀不離煩惱是故菩薩以方便力示生王宮踰城出家苦行修道坐菩提場成等正覺現神通力破諸魔軍爲度衆生轉大法輪現三道寶階從天下

降起諸化相隨順世間入大涅槃於其中間現諸色相或作梵王或爲帝釋若天若人隨諸相轉如是種種示現諸相是故得名救世導師此等皆是諸佛菩薩大悲願力調伏世間悉令安住相應勝行是故於輪廻中不生退倦從一乘中說二乘法一乘二乘皆眞實義若聲聞菩提若佛菩提智身一相三摩地一體雖有所說是說非說或有說爲種種相者但爲引導諸衆生故若衆生得利而佛菩提福智平等而實無有二相可住若有住相卽爲種子彼種子相聚類所生是故增長生死芽莖如佛世尊常所宣說破彼世間種種行相但爲衆生作諸方便而實非破若離分別此義甚深甚深義中無有二相雖說有破此亦非破於空法中無有二相諸法住持自性眞實智波羅蜜多是卽菩提心菩提心者除一切見是故當知諸身語心是無常法但爲衆生作利益故此中言空空而非斷此中說有有亦不常是故無有生亦無涅槃而悉安住無住涅槃諸佛世尊咸作是說悲心所生無量福聚彼卽最上眞實空理諸佛威神之所出生自利利他二行成就我今頂禮彼一切性我常尊敬彼菩提心願所稱讚佛種不斷諸佛世尊常住

大乘破有論

龍

樹

菩薩

造

歸命

宋西天藏朝奉大夫試光祿卿傳法大師施護奉詔譯

歸命

一切佛諸有智者應當如實了知諸法此中云

何謂一切性從無性生亦非無性生一切性若有生

者彼性是常是性無實猶如空華當知諸法與虛空

等彼諸法生亦與空等一切緣法皆如虛空彼無實

故當云何有諸法無因而復無果亦無諸業自性可

得此中一切而無有實無世間故無出世間一切無

生亦無有性云何諸法而有所生世間親愛父子眷

屬雖有所生而無其實不從先世之所生故亦非現

世有其相故此於世間無義可轉猶如月中見諸影

像世間無實從分別起此分別故分別心生由此心
爲因卽有身生是故有身行於世間蘊所成故名之
爲身諸蘊皆空無有自性蘊無自性而亦無心以無
心故是故無身當知自性離諸分別若無其心亦無
有法若無其身亦無有界此中所說是無三道此所
說者是眞實說此中一切離諸所緣此中所說離諸
所緣此中所作離諸所緣此中所得離諸所緣所有
布施持戒忍辱精進禪定智慧諸法如是常行不久

時中卽能證得無上菩提以慧方便安住實際起悲愍行廣度衆生雖復如是有所得相一切智性而不可說得彼一切法但有名字一切但於有想中住現前無實差別所生差別生法而無所有彼一切法本無有名但以假名而表了故當知諸法而無實體一切皆從分別所生此中若無分別者卽同虛空離諸分別如說眼者能見於色作此說者是眞實語世間有諸邪執心者執此所說如實而轉彼一切法聚類所現當知此說是佛所說是故應知此中義者眼不見色乃至意不知法若如是知是爲智者卽能通達

大乘破有論

二

星二

第一義諦如是乃名最上眞實我今依經如是略說大乘破有論終

音釋

鸚武甫切鸚莖切鸚鳥名驚驚洛故切驚息夷驚驚拉鳥名數數陟盈

竝竝所角切頤頤內骨切舍舍牟含切礦礦古猛切紫徵徵陟盈切詰詰苦吉切餌餌忍止切髀髀部禮切駝駝徒河切

切問也 食也 股也 駝駝也

四論同卷

集大乘相論上下卷

六十頌如理論

大乘二十頌論

佛母般若波羅蜜多圓集要義論

集大乘相論卷上

集大乘相論卷上

覺 吉 祥 智 菩 薩 造

宋西天三藏朝奉大夫試光祿卿傳法大師施護奉 詔譯

歸命妙吉祥菩薩摩訶薩我今略釋諸大乘相從菩提心出生大悲相應所謂一切法即當了知一切法無我此所知相是故今說此中何名一切法所謂蘊處界緣生波羅蜜多地空菩提分聖諦靜慮無量行無色等至解脫三摩鉢底先行解脫門神通陀羅尼力無所畏無礙解大慈大悲佛不共法諸聲聞果了知一切相真如實際無相法界等法是謂一切法

所言蘊者謂卽五蘊何等爲五色受想行識此中色者五根五境根謂眼耳鼻舌身境謂色聲香味觸彼眼識所依謂清淨眼根耳識所依清淨耳根鼻識所依清淨鼻根舌識所依清淨舌根身識所依清淨身根色有二種顯色形色顯謂青等形謂長等聲有三種謂執受大種不執受大種俱大種香有二種謂好香惡香味有六種謂苦醋甘辛鹹淡觸有十一種謂堅強流潤溫燥輕動重輕滑澁軟饑渴等如是諸觸總略而說有其三種謂可意不可意及二中間此如是等由眼等所生若界趣等分別三世分別有無邊

分微細差別行相應知此如是等略說色蘊受蘊云何受有三種謂苦受樂受非苦樂受而此三受若依眼等分別者有其六分彼如是分別受有十八如下界中別明行相此受蘊者若界趣等分別有無邊分行相應知此如是等略說受蘊想蘊云何想有六種此之行相謂依眼等分別彼所取境相有其六種所取相者謂卽色等然所依性卽不可分別若分別若不分別謂卽色受二法此如是等皆從我蘊自類所起此想蘊者若界趣等分別有無邊分行相應知此如是等略說想蘊行蘊云何謂心所有法信等善分

貪瞋癡等諸煩惱分如是心所法心諸分位所有行
相依眼等轉此行蘊者若趣界等分別有無邊分行
相應知此如是等略說行蘊識蘊云何謂六識身此
識蘊者若依眼等根色等境分別及彼識相乃至善
不善無記等分別有無邊分行相應知此如是等略
說識蘊如前總說名爲五蘊

所言處者卽十二處謂內六處眼耳鼻舌身意外六
處色聲香味觸法此中應知眼等五根色等五境爲
十色處彼意處者謂卽諸識所餘諸法是爲法處

所言界者卽十八界謂六根界六境界六識界此中
眼等識分別有六卽有六觸謂眼觸乃至意觸彼色
等識有三種相謂善不善及彼中間此之行相眼等
觸爲三受所生因性卽彼三受從眼等觸所生有六
彼六各各三種分別謂苦樂非苦樂如是總說觸受
各有十八如前受蘊所指行相亦然

復次地水火風空識等相名爲六界所言緣生者云
何行相卽十二緣生何等十二所謂無明乃至老死
此中無明者謂於業果謂實法中不正行故由此無
明起諸煩惱是故於無我中計我蘊等而有所得無
明緣行行有三種福行罪行不動行福行謂十善業

道罪行謂十不善業道不動行謂無色等至彼如是
行以其無明爲因諸行得生行緣於識是故眼等諸
識愛非愛果種子生長識緣名色此名色者謂由識
故施設彼名名有生處是故受等四蘊爲名色卽如
應依名而立名色緣六處彼六處者謂由如是名色
眼等六處建立六處緣觸觸謂眼等色等如前已說
觸緣受受有三種亦如前說此中觸受行相應知受
緣愛愛由無明愛緣取取謂色等所取所生樂行取
緣有有行相者謂卽如前所說行識等相有緣生謂
卽名色有所生起由彼無明故有生法卽此無明自
性亦無分位生緣老死老謂諸蘊衰變死謂諸蘊滅
壞生法後邊而無其實先所得身而悉捨離然彼無
明於後蘊中還復隨轉增長一切煩惱過失彼等皆
由無明自類煩惱業等而爲其因是故煩惱業生此
三不斷以是輪廻相續流轉如是知者當於實法而
起對治了無明等自性無我如是等略說十二緣生
所言波羅蜜多者云何行相其數有十此中施有三
種謂法施無妄施慈施戒有三種謂攝律儀戒攝善
法戒饒益有情戒忍辱三種謂諦察法忍耐怨害忍
安受苦忍精進三種謂被甲精進加行精進畢竟成

就精進定有三種謂離過失定引發定辦事定慧有三種謂聞所成慧思所成慧修所成慧方便三種謂離過方便拯濟方便速證樂方便願有三種謂自行成就願解衆生縛願清淨佛土願力有三種謂成辦事業力滅除煩惱力降伏魔怨力智有三種謂無分別智分別平等覺了智滅衆生罪智如是施等諸波羅蜜多以菩提心爲先於一切衆生起慈心觀而此諸波羅蜜多於諸世間所行無有行相亦無所得於出世蘊等是卽無我解脫相真實所證如理而觀

所言地者卽彼十地所謂歡喜地修施波羅蜜多離

集大乘相論卷上

五

星三

垢地修戒波羅蜜多發光地修忍辱波羅蜜多焰慧地修精進波羅蜜多難勝地修定波羅蜜多現前地修慧波羅蜜多遠行地修方便波羅蜜多不動地修願波羅蜜多善慧地修力波羅蜜多法雲地修智波羅蜜多如是諸地所得法無我理皆慈心所證悉無差別而彼所修施等諸波羅蜜多安住清淨勝上所得廣大願力普徧成就不共一切聲聞等故是諸波羅蜜多於所緣相而無差別若人若法離相空故所言空者卽十八空謂眼等空是名內空色等空是名外空眼等色等智觀平等名內外空方等諸分器

世間相各各觀察一一皆空是名大空於諸分別離
取捨性說名爲空此空復空是名空空於勝義諦觀
不可得名勝義空於施等行諸有爲法皆悉平等名
有爲空諸無爲法無發悟相名無爲空於空法中無
有少法而實可轉散而無集是名散空彼一切法無
有邊際名無際空一切法中畢竟無餘一法不空名
畢竟空蘊等諸法自性如是無所生起離自取捨相
名自相空彼一切法空無差別名一切法空於我蘊
中取捨不可得名不可得空此不可得謂色等相不
可得故但有諸業性是名無相空若人若法彼自性

大乘相論卷上

六

星三

空是名自性空於諸性中離取捨性名無性空彼無
性者謂離蘊等無別性故若離蘊等自性起空分別
者是對礙相卽名無性自性空若彼如是分別盡處
卽能解脫色等繫縛無復分別有無邊分離蘊等取
捨是卽一相而彼一相性無有二彼如是故卽於波
羅蜜多安住一境自性空理離戲論相是卽無我真
實所觀

所言菩提分者卽三十七菩提分謂四念處乃至八
正道四念處者身受心法此中身念處者觀身無有
種種積集而無所著離取捨相等是名身念處彼受

念處心念處法念處亦如是觀又復卽此法念處中若於內外中間而分別者別有三種謂精進定正念此三相應卽能觀察諸菩薩最勝菩提心及施等善行於一切法中得無我相應此念最勝如是略說名四念處所餘諸法亦如是知

四正斷者謂是所對治非菩提分卽已生令斷未生令不生此名勤斷二不善非所對治是菩提分未生令生已生令增長此名勤修二善如毘說名四正斷四神足者謂欲精進三摩地慧如是相應行增上所

集大乘相論卷上

七

星三

身心離諸所依住離貪想依止寂滅無所作行如是略說名四神足

五根五力者卽了知一切相果謂信精進念定慧等增上相應根力如是略說名五根五力復次此中如是等所修卽二覺了分謂煖頂位煖位修四念處頂位修四正斷又復有二勝覺了分謂忍世第一法忍位修四神足世第一位修五根五力彼如是等無所作行最上真實信等根力爲見道緣行相應知彼見道所修謂七覺支七覺支者卽念覺支乃至捨覺支此中念覺支者謂利衆生證菩提願現前正念無忘

失相擇法覺支者謂於我法自性決擇爲相喜覺支者謂自所修道得無漏因生喜樂故輕安覺支者謂如其所證真實法性非菩提分種子而捨離故身業心業得輕安故定覺支者謂四無量及菩提願入真如智純一境相精進覺支者謂雖觀寂靜勝上功德門而不味著進修諸行復無懈怠捨覺支者謂念利衆生如應調伏隨其所行波羅蜜多等諸功德法平等分別觀無來去住平等故如是略說名七覺支卽如是等七覺支行名正智分彼能對治煩惱障及所知障行相應知修道所修卽入正道入正道者謂正

見乃至正定此中正見者謂了一切法無我相住於平等苦等顛倒彼之二分是微妙相勝慧所觀正思惟者謂起思惟不斷所作因如願而證果正語者謂諸語言離妄分別如實而說正業者謂諸所作而無顛倒不害衆生救拔衆生等離妄而修正命者謂於淨命離諸邪妄自行所修自行而證正勤者謂雖至最上地而亦增進身無疲倦心生勇悍正念者謂念處等如實而觀慈心莊嚴自願方便於一切法無所忘失正定者謂身等業而常依止最勝功德安住無分別智卽諸靜慮相平等相應如是等略說名三十

所言靜慮者卽四靜慮謂離生喜樂名初靜慮定生喜樂名第二靜慮離喜妙樂名第三靜慮捨念清淨名第四靜慮如是等四皆寂止相欲界等貪心不流動是名靜慮然諸菩薩亦不味著諸靜慮樂畢竟不捨衆生圓滿菩薩道法成就無量行如是略說名四靜慮

集大乘相論卷下

十

星三

治惱害不起爲性喜無量行者謂證一切法無我平等所有施等諸善住菩提心廣爲利樂一切衆生方便所行如所生喜爲喜受相捨無量行者謂於三有分別平等起廣大行拯救衆生於自所得三摩地樂而不味著此能對治放逸過失心住實相如應調伏世間一切執相等心已能安住靜慮於諸色想對治實法復於無量法門得法平等住法無我如理而證所獲一切平等樂法是名自在最勝所得如是略說名四無量行

所言無色等至者此有其四謂空無邊處乃至非想

非非想處此中空無邊處等至者謂離種種色對礙
想觀無邊空而爲相應捨諸有相心住一境復次識
無邊處等至無所有處等至非想非非想處等至此
如是等皆寂靜行如初相應觀無貪相而爲所緣餘
復觀察無著無礙如應最上無相出生如是略說名
四無色等至

所言解脫者卽八解脫謂內有色觀外色解脫乃至
滅受想解脫此中初解脫者謂內有色想離外色貪
是名內有色觀外色解脫復次如其行相內無色想
離外色貪是名內無色觀外色解脫復次於色等清

集大乘相論卷下

十一

星三

淨住無貪行是名淨解脫復次空無邊處解脫識無
邊處解脫無所有處解脫非想非非想處解脫如是
四無色處解脫皆如其行相住如實觀復次滅受想
解脫行相應知如是略說名八解脫

所言三摩鉢底先行者謂欲住彼空無邊處等諸三
摩鉢底先當如應滅諸行相住法自性平等寂靜後
當安住諸三摩鉢底此名先行又復當知此四無色
等至及滅盡等至而諸菩薩於冒哩咤多位入師子
遊戲三摩地現前而觀不爲非三摩呬多心之所間
斷亦復不爲初靜慮等之所間斷此滅盡等至是無

動相此中諸三摩鉢底何故次第如是謂成熟衆生如應所觀次第如是又復當知此卽最上樂門獲是樂者了我無實我無實故自心寂靜所應修習諸神通波羅蜜多等皆勝慧所觀如實出生此卽略攝一切法相

所言解脫門者卽三解脫門謂空無相無願此中空解脫門者謂若人若法諸蘊等事離分別相而彼蘊等若染若淨於分別相中畢竟無性於空法中離取捨相而無染智如實對治無相解脫門者謂於蘊等畢竟無相由無相故取不可得彼無染智如實對治

集大乘相論卷下

三

星三

不著諸相無願解脫門者謂於一切清淨解脫門蘊處界等及波羅蜜多圓滿勝行最上一切相皆如實知如實出生現前平等離諸所取願樂心故如是略說名三解脫門

所言神通者有其六種謂天眼通乃至漏盡通此中天眼通者謂於諸色相正觀無礙最勝清淨天耳通者謂於一切音聲能聞清淨他心通者謂於他心一切行相能如實知宿住通者謂自他過去諸差別事悉能記念神境通者此復有三謂隱顯自在隨諸世界種種現身於虛空中往來無礙隨所作轉如應現

身如其所應不現身相作神通事漏盡通者謂諸無
明貪等煩惱此名爲漏智斷無餘名爲漏盡如是等
最勝六通安住菩提心離戲論智是諸菩薩勝上所
修不共一切聲聞道等圓滿無相無發悟性是諸波
羅蜜多平等道行總攝一切自所修法一切願力一
切相故勇猛精進而爲先導安住最上清淨心一境
性初靜慮等如名如義隨應差別無邊行相總略攝
故三摩陀耶所任持故如是略說名爲六通

所言陀羅尼者謂卽彼一切相及一切法一切法性
隨應總攝聲名句文爲諸義相所有無量念無邊辯
才及諸三摩地門彼無相智悉能證入對治有相有
礙心故是卽無上菩提最勝所得陀羅尼門而彼一
切三摩地陀羅尼等金剛喻定現前證入卽一切相
普徧平等入無相智眞實而證一切種習皆悉捨離
智觀平等大悲相應堅固所作於諸法性如實解脫
勝報現前平等安住大圓鏡智如實出生一切願力
皆悉圓滿如是略說名陀羅尼

所言力者卽佛十力謂處非處智力乃至漏盡智力
此中處非處智力者謂於一切處因果決定不決定

智如實知若佛若梵王若轉輪聖王彼彼所得勝報

決定名之爲處彼非處者謂因果不決定行相應知業報智力者謂諸衆生作善業惡業生善趣惡趣此等業報智如實知種種界智力者謂諸衆生界趣差別智如實知種種勝解智力者謂諸聲聞等於諸法中起種種勝解離諸染法趣寂靜相此如是等智如實知了別諸根智力者謂諸衆生信等諸根種種差別智如實知種種定智力者謂初靜慮等諸三摩地三摩鉢底如名如義無邊行相智如實知至處道智力者道有二種謂非愛樂道卽無明等可愛樂道謂寂滅等而彼滅者謂聲聞緣覺及諸菩薩所證差別

集大乘相論卷下

十四

星三

智如實知生滅智力者謂諸衆生種種生滅智如實知宿住隨念智力者謂於過去事如實記念漏盡智力者謂佛世尊大圓鏡智自性觀察離諸障染分別平等如是處非處等諸力如來遊戲神通所證此力具足故卽一切法增上所觀如是略說名爲十力所言無畏者卽四所畏謂一切智無畏漏盡無畏說障道無畏出苦道無畏此如是等若異若非異有所言說悉無所得無畏自在此四皆以平等性智而觀如如意寶隨衆生意普徧平等此法亦然我相清淨離諸有著如是略說四無所畏

所言無礙解者謂義法樂說辯才等此中義無礙解者謂於一切衆生無我相以微妙智平等而觀法無礙解者謂隨諸相了知諸法智觀平等樂說無礙解者謂隨所樂說能說所說不離自性辯才無礙解者謂於無邊法門隨應分別通達無相此如是等與一切法增上相應皆爲攝彼諸愚癡者令悉調伏安住諸法離相平等故此四皆以妙觀察智而觀如是略說四無礙解

所言大慈大悲者此中慈謂與衆生樂住寂靜心無發悟相廣大最勝離相平等悲謂拔苦調伏難調不捨衆生離諸有相此二皆成所作智而觀如是略說大慈大悲

大乘相論卷下

五

星三

所言佛不共法者卽十八不共法謂如來身無失乃至現在知見無著無礙此中初者謂如來身無失無有疲倦離身諸過如來語無失者無非愛語離語諸過如來意無失者無有失念離意諸過如是三業爲令愚癡者生淨信故無異想心者於一切衆生住平等心無不定心者爲令愚癡衆生除散亂相無不知捨心者謂諸衆生事無有不知而捨者此等六法是彼增上戒學所出生故與無住涅槃而爲因故信無

滅者謂於無住涅槃中不壞信故欲無滅者謂於無住涅槃不愛著故精進無滅者謂於利於命於行悉無住故慧無滅者謂畢竟於諸世間長養眾生無不通達故解脫無滅者謂不取聲聞等涅槃相故解脫知見無滅者爲利眾生智破戲論相令諸眾生各各平等證得無上涅槃此等六法是彼增上定學所出生故與無住涅槃而爲緣故身業隨智慧行者謂於一切處若動若止經行等相常與智慧而共相應是故智慧而爲先導語業隨智慧行者謂一切語言離妄分別常與智慧而共相應是故智慧而爲先導意

集大乘相論卷下

六

星三

業隨智慧行者謂於眾生住平等心隨所利益無有差別常與智慧而共相應是故智慧而爲先導過去知見無著無礙者謂內無有性名爲無著外離諸縛名爲無礙於過去一切法平等悉知破戲論相未來知見無著無礙者謂於未來一切法平等悉知破戲論相現在知見無著無礙者謂於現在一切法平等悉知破戲論相此等六法是彼增上慧學所出生故此等諸法唯佛如來圓滿成就無上勝智爲利眾生隨眾生轉不共一切聲聞有故法界清淨智所出生如是略說名十八不共法

所言聲聞果者卽四聲聞果謂須陀洹乃至阿羅漢
此中須陀洹者厭苦忻樂隨應斷除所有煩惱七返
生死見苦等諦悟人無我趣向涅槃斯陀含者厭苦
忻樂隨應斷除所有煩惱一來此界見苦等諦悟人
無我趣向涅槃阿那含者厭苦忻樂無餘欲界煩惱
可斷不還欲界於色無色界隨應解脫見苦等諦悟
人無我趣向涅槃阿羅漢者悉斷三界所有煩惱盡
苦邊際悟無我理隨應解脫趣證涅槃如是略說四
聲聞果

所言了知一切相者謂諸佛如來於一切相如實了

集大義相論卷下

七

星三

知現前平等一切相者卽一切法諸佛如來爲利世
間一切所向隨應方便得無忘失法住堅固相此中
應知三身亦名一切相法身自性無我智相無差別
故報身最勝相卽一切相智所依性故化身所作事
相於一切處如應現化而施設故又復一切相者雖
所了知而無分別爲利衆生隨應所作是相寂靜無
緣自性一切平等所有蘊等一切相亦復無邊若在
三界若出三界應如實了知諸相不可得如是名爲
了知一切相

所言眞如者卽一切法自性離取捨若智若愚若色

若心住平等性離妄無分別是卽名眞如
所言實際者卽菩提性一切如量如實離諸分別此
中應知如佛所說於我蘊等性畢竟無所得復於他
量而不可言說如是名爲實際
所言無相者卽彼眞如說名無相而眞如者但以名
字假分別故於名字中性不可得當知我等性卽諸
法自性是故此中若人若法悉離諸相而同一相此
一相者卽一切法無對礙相離諸分別於第一義自
性無動是名無相

所言法界者卽十力等果法及諸因法乃至一切法
自性所依是卽法界此法界中遠離一切虛妄顛倒
分別相等明慧現前如實照了是名法界

復次當知此中眞如等大圓鏡智等卽一切法無所
作門彼眞如無所作門卽諸法自相門復次當知此
中眞如及彼十力皆以大圓鏡智而觀彼實際所證
及四無所畏皆以平等性智而觀彼無相微妙清淨
及四無礙解性皆以妙觀察智而觀彼法界一切法
眞實所證所依性及大慈大悲皆以成所作智而觀
所有一切處增上所觀法皆悉安住法界清淨智
如是等一切法當知皆悉如量正語與菩提心相應

大慈隨順一切衆生是一切法平等同一所緣相應
無相最上法門總攝波羅蜜多等一切法故隨其所
行如量相應此相應故名一切法無我智者當知
佛所說法從解脫門如實出生

諸佛智慧無有上 所說因性亦無邊

於彼無邊如實知 一切相應而表示

諸相應門顯諸性 隨宜方便而出生

大慧所作悉圓成 我爲利樂故稱說

集大乘相論卷下

集大乘相論卷下

九

星三

六十頌如理論

龍 樹 菩 薩 造

宋西天三藏朝奉大夫試光祿卿傳法大師施護奉 詔譯

歸命三世寂默主 宣說緣生正法語

若了諸法離緣生 所作法行如是離

離有無二邊 智者無所依 甚深無所緣

緣生義成立 若謂法無性 卽生諸過失

智者應如理 伺察法有性 若有性實得

如愚者分別 無性卽無因 解脫義何立

不可說有性 不可說無性 了知性無性

大智如理說 涅槃與生死 勿觀別異性
非涅槃生死 二性有差別 生死及涅槃
二俱無所有 若了知生死 此卽是涅槃
破彼生有性 分別滅亦然 如幻所作事
滅現前無實 若滅有所壞 知彼是有爲
現法尙無得 復何知壞法 彼諸蘊不滅
染盡及涅槃 若了知滅性 彼卽得解脫
若生法滅法 二俱不可得 正智所觀察
從無明緣生 若見法寂靜 諸所作亦然
知此最勝法 獲法智無邊 緣生不可見

六十頌如理論

三

星三

是義非無見 此中微妙性 非緣生分別
佛正覺所說 有說非無因 若盡煩惱源
卽破輪迴相 諸法決定行 見有作有取
前後際云何 從緣所安立 云何前已生
彼後復別轉 故前後邊際 如世幻所見
云何幻可生 云何有所著 癡者於幻中
求幻而爲實 前際非後際 執見故不捨
智觀性無性 如幻燄影像 若謂生非滅
是有爲分別 而彼緣生輪 隨轉無所現
若已生未生 彼自性無生 若自性無生

生名云何得 因寂卽法盡 此盡不可得
若自性無盡 盡名云何立 無少法可生
無少法可滅 彼生滅二道 隨事隨義現
知生卽知滅 知滅知無常 無常性若知
不得諸法底 諸法從緣生 雖生卽離滅
如到彼岸者 卽見大海事 若自心不了
異生執我性 性無性顛倒 卽生諸過失
諸法是無常 苦空及無我 此中見法離
智觀性無性 無住無所緣 無根亦不立
從無明種生 離初中後際 癡闇大惡城

六十頌如理論

三

星三

如芭蕉不實 如乾闥婆城 皆世幻所見
此界梵王初 佛如實正說 後諸聖無妄
說亦無差別 世間癡所聞 愛相續流轉
智者了諸愛 而平等善說 初說諸法有
於有求實性 後求性亦無 卽無著性離
若不知離義 隨聞卽有著 而所作福業
凡愚者自破 如先平等說 彼諸業真實
自性若了知 此說卽無生 我如有所說
皆依佛言教 如其所宣揚 卽蘊處界法
大種等及識 所說皆平等 彼智現證時

無妄無分別 此一若如實 佛說爲涅槃
此最勝無妄 無智卽分別 若心有散亂
與諸魔作便 若如實離過 此卽無所生
如是無明緣 佛爲世間說 若世無分別
此云何無生 若無明可滅 滅已卽非生
生滅名乖違 無智起分別 有因卽有生
無緣卽無住 離緣若有性 此有亦何得
若有性可取 卽說有生住 此中疑復多
謂有法可住 若菩提可證 卽處處常語
若住性可取 此說還有生 若謂法有實

六十頌如理論

三

星三

無智作是說 若謂法有處 取亦不可得
法無生無我 智悟入實性 常無常等相
皆由心起見 若成立多性 卽成欲實性
彼云何非此 常等生過失 若成立一性
所欲如水月 非實非無實 皆由心起見
貪瞋法極重 由是生見執 諍論故安立
離性而執實 彼因起諸見 見故生煩惱
若此正了知 見煩惱俱盡 當知法無常
從緣生故現 緣生亦無生 此最上實語
衆生邪妄智 無實謂實想 於他諍論興

自行顛倒轉。自分不可立。他分云何有。
自他分俱無。智了無諍論。有少法可依。
煩惱如毒蛇。若無寂無動。心卽無所依。
煩惱如毒蛇。生極重過失。煩惱毒所覆。
云何見諸心。如愚見影像。彼妄生實想。
世間縛亦然。慧爲癡所網。性喻如影像。
非智眼境界。大智本不生。微細境界想。
著色謂凡夫。離貪卽小聖。了知色自性。
是爲最上智。若著諸善法。如離貪顛倒。
猶見幻人已。離所作求體。知此義爲失。

六十頌如理論

三

星三

不觀性無性。煩惱不可得。性光破邪智。
智離染清淨。亦無淨可依。有依卽有染。
彼淨還生過。極惡煩惱法。若見自性離。
卽心無動亂。得渡生死海。此善法甘露。
從大悲所生。依如來言宣。無分限分別。
此中如是難可說。隨見隨智者見卽成就。
智者隨觀隨順門。如是大悲轉賢。
一切法中真實性。智者隨應如理觀。
所向由是信得生。無拔彼衆生離諸苦。
此義甚深復廣大。不我爲勝利故讚說。

如大智言今已宣
自他癡闇皆能破
破彼癡闇煩惱已
如如所作離魔障
由是能開善趣門
諸解脫事而何失
持淨戒者得生天
此卽決定真實句
設破戒者生正心
雖壞戒而不壞見
種子生長非無義
見義利故廣施作
不以大悲爲正因
智者何能生法欲

六十頌如理論

六十頌如理論

三

星三

大乘二十頌論

龍 樹 菩 薩 造

宋西天三藏朝奉大夫試光祿卿傳法大師施護奉詔譯

歸命不可思議性
諸佛無著眞實智
諸法非言非無言
佛悲愍故善宣說
第一義無生
隨轉而無性
佛衆生一相
如虛空平等
此彼岸無生
自性緣所生
彼諸行皆空
一切智智行
無染眞如性
無二等寂靜
諸法性自性
如影像無異
凡夫分別心
無實我計我
故起諸煩惱

及苦樂捨等 世間老病死 爲苦不可受
隨諸業墜墮 此實無有樂 天趣勝妙樂
地獄極大苦 皆不實境界 六趣常輪轉
衆生妄分別 煩惱火燒然 墮地獄等趣
如野火燒林 衆生本如幻 復取幻境界
履幻所成道 不了從緣生 如世間畫師
畫作夜叉相 自畫已自怖 此名無智者
衆生自起染 造彼輪廻因 造已怖墜墮
無智不解脫 衆生虛妄心 起疑惑垢染
無性計有性 受苦中極苦 佛見彼無救

大乘二十頌論

三

星三

乃起悲愍意 故發菩提心 廣修菩提行
得無上智果 卽觀察世間 分別所纏縛
故爲作利益 從生及生已 悉示正眞義
後觀世間空 離初中後際 觀生死涅槃
是二俱無我 無染亦無壞 本清淨常寂
夢中諸境界 覺已悉無見 智者寤癡睡
亦不見生死 愚癡闇蔽者 墜墮生死海
無生計有生 起世間分別 若分別有生
衆生不如理 於生死法中 起常樂我想
此一切唯心 安立幻化相 作善不善業

感善不善生 苦滅於心輪 卽滅一切法

是諸法無我 諸法悉清淨

佛廣宣說世間法 善知卽是無明緣

若能不起分別心 一切衆生何所生

於彼諸法法性中 實求少法不可得

如世幻師作幻事 智者應當如是知

生死輪廻大海中 衆生煩惱水充滿

若不運載以大乘 畢竟何能到彼岸

大乘二十頌論

大乘二十頌論

三

星三

佛母般若波羅蜜多圓集要義論

大 域 龍 菩 薩 造

宋西天三藏朝奉大夫試光祿卿傳法大師施護奉 詔譯

歸命妙吉祥童眞菩薩摩訶薩等

般若等成就 無二智如來 彼中義相應

彼聲教道二 依止及作用 事業同起修

分別相及罪 稱讚如次說 具信以爲體

師資互證說 說時說處等 得自量成就

說法者應知 世間時處二 說者有同證

然後得如量 一切如是集 我聞等所說

和合如是義 最上三十二 分別十六相

空如其次第 八千頌中說 了異方便說

今此八千頌 如說義無減 隨所樂頌略

如是義如說 菩薩我不見 此說實寂默

能受內諸事 彼說卽爲空 色及色自性

此說亦復空 此等外諸處 所受分皆止

色等相彼身 安住及相離 向義若彼見

彼內卽無實 彼諸內空性 自性亦復空

所有識相種 卽起我悲智 不生亦不滅

有情此等明 有情生死欲 彼說卽爲空

佛母般若波羅蜜多圓集要論

三

星三

佛法不可見 菩薩法亦然 此等如所說

空彼十力等 別別所有法 此說徧計性

彼勝義非有 諸法如是說 彼我等見斷

大士畢竟作 而彼人無我 佛一切處說

一切法不生 此所說亦然 宣說法無我

一切處實說 有罪及無罪 不增亦不減

諸有爲無爲 所有諸善止 諸善空性中

彼出亦無盡 此徧計分別 彼普攝爲空

十種心散亂 心散亂異處 愚不得相應

無三智不成 彼止息互相 爲能所對治

於般若教中 彼圓集所說 若有菩薩有

此無相分別 散亂止息師 說彼世俗蘊

此八千頌等 從初語次第 至了畢皆止

說無相分別 因言不如是 此唯說事相

梵網等經中 知一切如理 菩薩我不見

而此等廣大 世尊此止遣 有相分別亂

若不見彼名 境界行亦然 彼蘊一切處

皆不見菩薩 此止遣徧計 普攝此所說

乘一切智因 慧分別諸相 般若波羅蜜

說三種依止 謂徧計依他 及圓成實性

佛母般若波羅蜜多圓集要義論

天

星三

無此等說句 一切徧計止 幻喻等見邊

此說依他性 有四種清淨 說圓成實性

般若波羅蜜 佛無別異說 十分別散亂

對治如次說 此三種知已 若卽若離說

如初語圓成 依他及徧計 無相分別色

彼散亂止遣 彼佛亦菩提 不見說者等

至了畢此知 止遣徧計性 自性空彼色

俱相何所有 此別異語中 了知已彼止

此不空故空 如是語所說 諸毀謗分別

一切說皆止 如幻亦然佛 彼如夢亦然

如是如次知 智語邊決定 諸同等所作

此說佛如幻 幻喻等言等 此說依他性

若諸異生智 彼自性清淨 故說彼佛言

菩薩亦如是 自性自色覆 彼無明因作

如幻別異現 果如夢棄捨 無二別異說

果等定毀謗 毀謗諸分別 彼毀謗此說

色空非和合 彼互相違礙 無色無空名

色相自和合 此一性分別 對治種種性

空不異彼色 彼空何所有 此無實所現

彼無明所起 此無實能表 彼說無明故

此如是說色 般若波羅蜜 無二二如是

二分別對治 如理言淨性 亦然不可得

性無性違等 種種性定見 說此色唯名

真實無自性 彼自性分別 容受即當止

色及色自性 空如先所說 彼自性俱相

分別此止遣 不生不滅等 所有諸法觀

佛言若散異 彼差別分別 虛假名言等

彼法若分別 聲義二非合 彼非自性意

般若波羅蜜 佛菩薩亦然 此所說唯名

離實義分別 所有聲義止 此非事止遣

如是餘亦知 語中義決定 此無所得正
一切名實知 如義性如是 不止遣彼聲
須菩提二離 聲聲義如是 菩薩無有名
我見此有說 般若波羅蜜 語無決定生
伺察唯智者 此義微妙慧 相續義除遣
若別義分別 般若波羅蜜 彼言說如響
總略如是義 般若等依止 如是義循環
復別義依止 般若波羅蜜 正攝八千頌
皆從般若生

佛母般若波羅蜜多圓集要義論

佛母般若波羅蜜多圓集要義論

三

星三

江蘇武進縣

信女莊善月

施銀洋一百元

中華民國八年

年紀次己未

陽曆九月

二十號

霜降節竣工

常州天甯寺刻經處清鏐識

湖北陶福山琴

佛母般若波羅蜜多圓集要義釋論卷第一 第二

三寶尊菩薩造

大域龍菩薩造本論

宋西天三藏朝奉大夫試光祿卿傳法大師施護奉詔譯

歸命般若波羅蜜 出生一切諸佛母

而彼般若勝所依 畢竟無著滌諸垢

為諸佛趣自性離 令眾生喜勝相應

能取所取二俱亡 此中常性不可立

由彼二取解脫故 斷見常見悉遣除

從一切智所出生 稽首智能到彼岸

佛母般若波羅蜜多圓集要義釋論卷上

一

星四

我今於彼大域龍菩薩所造佛母般若波羅蜜多圓集要義中略釋行相為令諸小智者思念是義可略知故如彼頌言

勝慧等成就 無二智如來 彼中義相應

彼聲教道二

此言勝慧等者即慧彼岸到勝慧謂聞思等慧岸者邊岸到者往而得到謂由清淨妙慧能到彼岸此中應問何人能到答謂諸菩薩彼何所成就邪即般若波羅蜜多成就成就者成辦義如是果性增上意樂所成辦故如八千頌般若教等開示演說是謂般若

波羅蜜多成就非於般若波羅蜜多聲中有所成故
若爾當以何義說彼成就所以頌言無二智無二者
無有二相名爲無二是智無二名無二智如是所說
此中意者般若波羅蜜多離能取所取卽無二智菩
薩成就如是智故若或於彼色等境中著所取相彼
能取心於無二智卽有對礙問若諸菩薩如是成就
般若波羅蜜多何故今此不言如來謂以如來於一
切處勤修諸行得成佛故論自答言如來如來者謂
彼如來彼者卽是般若波羅蜜多如來者如實而說
故名如來以彼如是普離一切分別網故般若波羅

佛母般若波羅蜜多圖集義釋論卷上

一一

星四

蜜多卽是如來此中無二亦無分別無二者如來不
離般若波羅蜜多亦不卽般若波羅蜜多何名無分
別謂如燈光此如是義是故應當如實了知如諸智
者所說頌言空性非離於空性非離於空性非離於空
非智離於空性非離於空性非離於空性非離於空
性離非遠離性非離於空性非離於空性非離於空
二無實可轉性非離於空性非離於空性非離於空
由此證知於如實相中世尊如是說是故能知所知
若有性者諸分別等有所依止此應問云若般若波
羅蜜多成就無二智者何故頌說教道二邪頌自答

言彼中義相應彼聲教道二彼中者於彼聲中含教道二義相應者次第今說謂彼所有教道二種與般若波羅蜜多義和合相應彼聲教道二者彼聲之言如前已釋教道二者卽是般若波羅蜜多方便於彼聲中所含藏故猶如種子在含藏位其義亦然如是當知般若波羅蜜多聲說二種義一者勝上二者種類彼勝上者謂無二智相其種類者有二種類卽教道自性由是二種和合施設當知乃有宣說表示復由依止如是等故此般若波羅蜜多中所有語義開演三十二品無增無減此中所說爲遣十種分別散

佛母般若波羅蜜多圖集要義釋論卷上

三

星四

亂又復顯示十六種空復次頌曰
依止及作用
事業同起修
分別相及罪
稱讚如次說

如彼頌中有其六種所謂依止作用事業相罪稱讚等此中云何次第今說
所言依止者謂佛世尊最初說智由彼如是所依止故所有甚深法門而能相續演說非須菩提等彼能說者能爲如是和合依止問佛所說智其相云何答如佛於八千頌般若經初作如是言須菩提隨汝樂說諸菩薩摩訶薩般若波羅蜜多應當發起如菩薩

摩訶薩般若波羅蜜多出生等爲由如是佛威神力
所建立故彼須菩提乃能如是宣說般若波羅蜜多
而無障礙此中如是所說諸義說彼經中第一品故
所言作用者卽增上作用謂佛說智爲增上故爲說
此法起說作用卽菩薩等眾作用次第由如是故乃
能發起宣說此法

佛母般若波羅蜜多圖集要義釋論卷上

四

星四

若波羅蜜多法門若書時若讀時或有人等起疑心
者當知皆是魔事等相若不退轉是菩薩相
所言罪者謂於此法作障難事及謗正法等或於般
若波羅蜜多而生毒想此等皆是感召罪報
所言稱讚者謂稱讚果如經云若有人以滿三千大
千世界七寶持用布施若人於此般若波羅蜜多受
持等者其福勝彼此中復說何義而爲依止故有頌
言

具信以爲體

得自量成就

此中云何所言具信等者信謂信心清淨謂諸菩薩由彼信故於甚深教能生勝解彼信有故名爲具信彼信具故而能爲體體爲身體譬如有身爲因乃能相續修作諸行信義亦然所言師資互證說者謂世尊大師宣說此法菩薩等資亦各宣說如是說已如應表示所言說時說處等者時者所謂和合所作表示說時各別決定印持所得處義應知問彼說法者當得何義頌自答言得自量成就其義云何自者已義量謂自量自所得量無相違故成就者成辦義謂說法者諸所說事悉成辦故如彼頌言

佛母般若波羅蜜多圓集要義釋論卷上

五

星四

說法者應知

世間時處二

說者有同證

然後得如量

此中云何所言說法者謂說法人世間時處二者謂於世間相中先當了知說時說處然後依智如理而說問此何等說頌自答言說者有同證謂有同證和合說故問云何得如量答所謂得此真實言量非今所說時處等義此中復以何義印可三十二品故有頌言

一切如是集 我聞等所說 和合如是義

最上三十二

此言一切如是等者一切者普盡義何等普盡謂如是聚集我聞等聚集如是者謂如是所作如是此法所言我聞等者我者自相所成聞謂聽聞卽聽聞此法此中總意若如是若我若聞等總聚而成故云如是我聞等問所云等者等取何義答等者等攝時處所言說者說謂說示是故此中說彼如是我聞等所言和合如是義者謂彼說者若作若非作彼等和合從初次第宣說如是最上義故最上者最極勝上彼言說體者謂言詮故問此何所說頌自答言最上三十二三十二者數量決定謂說如是數中義故是故

佛母般若波羅蜜多圖集要義釋論卷上

六

星四

當知此中所說亦無減少問十萬頌般若波羅蜜多經中說多種空此八千頌般若波羅蜜多經中說十六空與彼所說如何齊等爲有此疑故頌止言分別十六相空如其次第八千頌中說了異方便說

此言分別等者重重分類所區別故名爲分別又分別者卽種類義彼種類者種種性義此中何所分別謂分別空分別何等空卽十六空十六者數之界限此說十六空與彼十萬頌般若經中所說義自齊等頌云八千頌中說者是卽八千頌般若經中所說彼

如何說是故頌言如其次第如次者不過越義何法
不過越謂說空之聲故下頌言了異方便說其義云
何異者謂別異法於彼別異法中取其方便是故說
者異方便說了者了知應當如是分別了知所謂了
知此異方便分別說空復次頌言
今此八千頌頌言如說義無減受最隨所樂頌略
如是義如說
此言今此八千頌者指法應知言無減者謂無缺減
何等無減謂如說義卽如其所說義自圓滿或有問
云此中所說何故頌略頌自答言隨所樂頌略今此

佛母般若波羅蜜多集要義論卷上

七

星四

但說八千頌者爲彼聽者最勝意樂所宜聞故是故
頌略略謂少略所言如是義如說者謂卽如是所說
之義彼復云何頌言如說如說者謂如其言說如是
所說如理成就非般若波羅蜜多法中義有差別但
爲頂中上品所有根性隨欲攝受是故世尊由此因
故少略說此般若波羅蜜多如其次第以異方便說
十六空如是所說顯明開示復次頌言
菩薩我不見
此說實寂默
能受內諸事

彼說卽爲空

此言菩提薩埵等者菩提及薩埵此卽是菩提薩埵

菩提者謂無二智薩埵卽求菩提者而此薩埵名菩提薩埵卽彼菩提薩埵我不可見亦不可得我者已義所言此說實寂默者此者如是義說謂言說實者眞實卽勝義諦寂默者卽是世尊謂佛世尊身語意業皆相應寂默故如是等說由佛威神所加持故令須菩提能於此中說是語義所言彼說卽爲空等者彼者卽彼世尊說謂說示謂佛世尊說此爲空說何法爲空所以頌言能受內諸事等內諸事者所謂眼等內六根處名內諸事以彼愚夫執實能受世尊說彼內事皆空又新發意菩薩於中分別有實自性如

佛母般若波羅蜜多圓集義釋論卷上

八

星四

是等言說內空竟復次頌言
色及色自性
此說亦復空
此等外諸處
所受分皆止

此言色及色自性等者謂色聲等外六境處又色者卽是色處所言色自性者色謂自色如所有相彼相不生以不生故卽自性空然彼自性亦不可壞譬如人角其義應知所言此說者謂此如是說如是等言復次此中世尊皆止止者不作義問止何法邪頌自答言此等外諸處此復云何外諸處者謂色等境外諸分位皆悉無實而彼異生執有如是實所受性是

故此中止此語義如是等言說外空竟復說後空如
彼頌言

色等相彼身 安住及相離 句義若彼見

彼內卽無實

此言色等相彼身者此中云何是彼身所謂內外二
色處是卽彼身所言安住者卽是器世間各別依止
安住故名安住所言相者謂三十二大士表相所言
離者彼如上說皆悉離故離卽空義所言向義者向
謂已往已往之義名爲向義何等法是向義如上頌
言色等相此復云何謂若如是內外色處皆悉無相
卽彼如是了知空義如是聲義是故應知今此頌中
先說三種空所謂內外空大空相空次說空空如頌
所言若彼見彼內卽無實若者卽若所有義謂所有
空智彼者卽彼身等見者知義知卽了知此中意者
謂知空智了境空已卽此空智於內無實而無所有
何況餘法有依止性此句如是說空空竟此中復說
自性空如彼頌言

彼諸內空性 自性亦復空 所有識相種

卽起我悲智

此言彼諸內空性等者謂卽所有內諸處空性相續

此說所言自性亦復空者自性者種性義由彼如是
顯明識相等所言所有識相種者所有謂若所有義
此中若識相若識性彼等種性卽我悲智生悲者欲
令他苦得離散故智者卽擇法相若悲等若智等是
謂悲智我者自相義卽自所有悲智二種此意總說
內識處等自性空故復次後說三種空義如彼頌言
不生亦不滅曰自有情此等明此中有情生死欲
彼說卽爲空

此言不生亦不滅等四句頌文此中合釋二種空義
所言不生者彼八千頌般若經申說不生言此止其

生此中意者謂本來不生性生若無性滅亦無性彼
前性不生後性亦不滅問此等云何故頌答言有情
有情者卽五蘊身命有謂有彼物性情謂自所作性
和合而言故曰有情明謂顯明此中意說若有情若
生死彼二皆空是義顯明而諸有情無有邊際死此
生彼六趣循環無有窮盡輪轉生死此生死者卽是
輪迴如是行相有情卽生死釋義應知問此何人說
耶頌答言彼彼者卽彼如來真實說故彼何所說所
謂說空卽有情生死二種空故然彼無性此中亦離
如執彼無性此亦不然若爾何故頌言欲邪欲者樂

欲義謂卽有情生死二欲若如是所欲畢竟彼如是
眞實如是等言說二種空義謂畢竟空無際空問何
名無際無際者謂無有初際及無初分此無際說空
故名無際空如佛所言生死先際不可表示故復說
後空如彼頌言
佛法不可見
菩薩法亦然
此等如所說
空彼十力等

此言佛法不可見等者佛法者卽諸佛法所謂十八
不共十力等法如是之法以清淨妙慧觀不可見亦
不可得彼如是故所有分別而爲對礙所言菩薩法

佛母般若波羅蜜多圓集義釋論卷上

十一

星四

亦然者卽諸菩薩法所謂布施等諸波羅蜜多種種
行相入眞實智如理而觀亦無所見所言此等如所
說空彼十力等者此等者謂此如是等教如所說者
卽如其所說問此說何等法頌自答言彼十力等指
上所明十力等法所言等者等攝十八不共法又問
此法何所說邪答所謂說空空者自相離故此中如
是等說一切法空竟復說後空如彼頌言
別別所有法
諸法如是說

此說徧計性

彼勝義非有

此言別別所有法此說徧計性等者此破徧計性別

佛母般若波羅蜜多圓集要義釋論卷第二

寶尊菩薩造

域龍菩薩造 本論

宋西天三藏朝奉大夫試光祿卿傳法大師施護奉詔譯

復說後空如彼頌言

彼我等見斷

佛一切處說

此言我等見者即說我等見斷我者謂徧計所執所

有蘊等等者等攝人及眾生壽者此中行相等謂所

等是我所有等釋義應知見者謂取著之見此中總

佛母般若波羅蜜多圓集要義釋論卷上 十三 星四

意於我等境界中彼我等見斷斷者壞義作者謂畢

竟作故問何人作邪答言菩薩又問若菩薩者何故

言大士答大士者即大有情此大有情普轉輪迴相

續而作此即是菩薩若此中如是復何所說所以頌

言而彼人無我佛一切處說謂佛於一切處如是決

定說人無我如是等說無性空竟復說後空如彼頌

言

一切法不生 此所說亦然 宣說法無我

一切處實說

此言一切法不生等者一切者普盡義法即是色等

法一切卽法釋義應知彼一切法悉不生故此言不生者卽止其生此中意者卽本來不生性非如彼相聚集所得有其實性頌言此所說亦然者此謂如是說者表示義亦然者亦復說故頌言宣說法無我者法謂色等諸法無我卽無自性問若爾將何表示頌自答言一切處實說一切處者卽徧一切種實謂眞實卽法無我真如說謂了知了知者遮防爲義此說眞如遮餘法故又問何人實說邪答謂佛世尊如是等說不同外道所說空故如是等說無性自性空竟復次後三種空義如彼頌言

佛母般若波羅蜜多圖集義疏論卷上

十四

星四

有罪及無罪 不增亦不減 諸有爲無爲 所有諸善止 此言有罪及無罪等者罪謂過失過隨罪轉故名有罪離罪及過卽名無罪若罪無罪所有諸法不增亦不減此言不增者雖有所得而無增長亦不減者謂得無盡法出生無滅是故菩薩如實知彼無盡法故所言有爲者謂諸有所作故名有爲行相云何謂卽因緣所生諸行無爲者簡非有爲行相云何謂擇滅等頌言所有諸善者問而彼有爲無爲所有諸善復云何說答此中當知有爲諸善無爲諸善若如次修

若不如次修悉得無增減此中意者但於勝義諦中
無實取法所言止者止謂止遣止彼所有無相之言
如是等說有爲空無爲空竟復說後空如彼頌言
諸善空性中護彼出亦無盡此中此徧計分別空
彼普攝爲空最初中野自時合巖集取最隨隨空日
此言諸善空性等者諸善者卽諸善法謂空性中有
諸善法而非無性何以故頌言彼出亦無盡彼謂於
彼聲中含諸善法故出謂出生亦者相續說義此中
總意由諸善法如理出生性無盡故彼卽無滅諸善
隨事亦不間斷頌言此徧計分別者謂智者應當如
實了知如有所說遣徧計性頌言彼普攝爲空者普
謂普盡攝謂總攝謂此八千頌般若經中分別廣說
諸空種類此中如是相續所說普徧圓集而總攝故
故名普攝如是此中總攝空故問如是空行相此云
何和合答此所說空但遣徧計所執法相此如是言
卽畢竟義於是言中理自和合總集如是所說空已
後復無空語義可說復次當知此中如是所說諸空
但爲止遣有情取著分別非說實性何以故而彼實
性中說二種空故所謂人空一切法空如是等說無
散空竟問何名無散答散謂離散此散不散故名無

散無散體者謂諸菩薩所有善法乃至無餘依涅槃
界中彼亦不散彼亦無盡故名無散如是總說十六
空竟顯他體無散之義如辯中邊論慈氏菩薩說如是義顯明開示故彼頌
言二智不礙

內外受彼身 安住物皆空 彼等智如見
所有義彼空 獲得二種善 常利益有情
處生死作利 彼善法無盡 種種性等清淨
獲得諸相好 清淨諸佛法 菩薩亦成就
人及一切法 此中無性空 無性中有性

佛母般若波羅蜜多圓集要義釋論卷上

六

星四

彼性亦復空

復次此中今說除遣十種分別散亂法當知此即起
修行相問何等是彼十種分別散亂復云何止所以
頌言 十種心散亂 心散亂異處 愚不得相應
無二智不成

此言十種心散亂等者謂新發意菩薩等有十種分
別散亂所謂無相分別散亂有相分別散亂俱相分
別散亂毀謗分別散亂一性分別散亂種種性分別
散亂自性分別散亂差別分別散亂如名於義分別

散亂如義於名分別散亂此如是等十種分別令心散亂此心心所散亂異處散亂者謂散異動亂故名散亂所言異處者謂別異處有分位等動亂所引是故彼心不得相應問何人不得相應耶頌自答言愚不得相應愚卽愚夫異生愚者謂若損若益及真實法悉不知故問不得何法相應頌自答言無二智無二者無有二相名爲無二不著二之智名無二智成就者所謂成辦卽決定成辦此中如是所有理義如頌所言不成者謂諸愚夫異生心有散亂於彼色聲香味觸等諸境中心生取著是故於彼清淨妙智不得成就卽不相應問若無二智不相應者此中復說

佛母般若波羅蜜多圓集要義釋論卷上

七

星四

何義所以頌言諸愚夫異生心有散亂於彼色聲香味觸等諸境中心生取著是故於彼清淨妙智不得成就彼止息互相無爲能所對治中於般若教中彼圓集所說此言彼止息等者彼者卽彼十種分別散亂止息謂止遣問何處止耶頌自答言般若教中謂十萬頌般若波羅蜜多等教中一切皆說如是止言問止彼何法頌自答言互相爲能所對治互相者此彼更互義能所對治者謂有相無相互爲能所對治行相云何謂如所有有相爲能對治卽無相爲所對治若無相

爲能對治卽有相爲所對治此如是等是爲行相問
彼般若教中當如何說頌自答言彼圓集所說謂此
佛母般若波羅蜜多教中如是圓集總聚要略攝此
十種分別散亂說謂言說此如是說是卽如來如是
最上真實了知圓集普攝於佛母般若波羅蜜多中
如是宣說問所說云何是故頌
若有菩薩有善說此無相分別者當散亂止息師
說彼世俗蘊

此言菩薩有此無相分別等者善提及薩埵是卽菩
提薩埵有謂不無此如是說謂卽有此無相分別無

佛母般若波羅蜜多圖集要義論卷上

六

星四

相分別者謂色無相分別彼如是散亂卽癡所作性
問有此散亂其復云何頌答言止息問何人能止耶
頌答言師師者謂如來大師善能調伏諸煩惱寃又
能救度惡趣等怖故名爲師頌言說彼世俗蘊者世
俗謂世間其世俗蘊謂色受等說彼蘊者謂令了知
有此蘊故除遣無相分別散亂如是所說意者世尊
悲愍新發意菩薩等是故爲說世俗諸蘊使令了知
爲除斷見止彼無相分別非說實性此八千頌般若
波羅蜜多教中說如是義卽諸般若波羅蜜多本母
義理相應復次頌言

此八千頌等最從初義次第至了畢皆止
說無相分別

此言八千頌等者此者如是義如是八千頌本母所
說故等者等攝十萬頌所言從初語次第者即初語
所成謂從經初所起語言行相云何如經言須菩提
隨汝樂說諸菩薩摩訶薩般若波羅蜜多應當發起
如菩薩摩訶薩般若波羅蜜多出生等頌言至了畢
皆止者謂從經初乃至經末於中所說悉周竟故頌
言皆止者止謂止遣即於其中止彼無相分別毀謗
之言頌言說無相分別者謂色無相分別以彼分別

佛母般若波羅蜜多圓集要義釋論卷上

五

星四

色無相故而墮於空以斷有色故所言說者其義云
何說謂依法而說此依法說說事相故行相云何謂
由初語言而爲發起乃至了畢其中所說多種語言
於彼言中成立別異發起行相謂諸菩薩及帝釋天
主上首等此如是等當知皆是止其斷見問若此等
所說語言分位有所發起者復有何等道理依法而
說遣除無相分別毀謗之言故頌破言
因言不如是
知一切如理

此云因言不如是等者因者道理義不如是者此道

理言非成就言何所以耶頌自釋言此唯說事相事者謂有所作事有所修事說謂言說此中如是義唯說事相故若爾卽今和合道理義不成就云何能令諸有智者於中觀察生歡喜耶故頌通言梵網等經中知一切如理此中云何卽梵網等所有諸經且言等者等攝雲輪等經彼諸經中皆如理說何人所說謂佛世尊於一切處依如實理自如是說如是說者自義成就所言知者知謂了知了知此說如理如量若如是說真實語義是決定義此復云何若如前言道理說者雖能除遣無相分別彼有相分別旋卽生起是故今當如應開示彼相違門如其頌言

菩薩我不見而此等廣大世尊此止遣有相分別亂言而此等廣大世尊此止遣此言菩薩我不見而此等廣大者謂由最初起徧計性於菩薩相而生取著彼所取相於實性中我不可見亦不可得我者已義此等廣大者廣大卽包廣義此菩薩者其義廣大是故菩薩我不可見亦不可得般若波羅蜜多亦不可見亦不可得如是等所說爲令止遣有相分別散亂頌言有相分別亂者相謂色等相亂卽動亂分別者謂於色等相中有所分別於

不如義中取著如義性此如是等疑惑動亂於勝義
諦中無有實性問何人止遣耶頌自答言世尊此止
遣問何所止耶所以頌言
若不見彼名
境界行亦然
彼蘊一切處
皆不見菩薩

此言若不見彼名等者若謂若有不見卽不可得問
何法不見耶答此菩薩名而不可見若說如是名彼
說不可得且止此說頌言境界者如實當知非唯菩
薩名不可得諸境界等亦不可得境界者謂所行境
界是諸菩薩所行般若波羅蜜多如是道相行亦然

佛母般若波羅蜜多圓集義釋論卷上

三

星四

者行謂普徧諸行卽所修所行而此諸行亦不可得
所言彼蘊一切處者蘊謂色受等一切處者謂徧一
切處及一切種此中意者如實當知以清淨妙慧於
是一切處求菩薩相了不可得以是因故菩薩不可
見是故頌言皆不見菩薩此中如是所說意者但遣
愚者於佛世尊無染智中執有實名及境界等彼不
可得非正了知而菩薩相於圓成實性中亦不可捨
離若取捨離相者彼無相分別還復生起此義略說
故有問言若今如是於實性中無菩薩者豈非前言
有相違耶頌自通言

此止遣徧計
普攝此所說
乘一切智因
慧分別諸相

此言止遣徧計等者徧計者謂諸有情所起顛倒之見行相云何謂於蘊處界中執有實性今止彼故不於清淨妙智中而有所止頌言普攝此所說者此者如是義普攝說者卽作者普攝而說此普攝說是勝意樂當知此等般若波羅蜜多義如是普攝而說是爲決定卽彼如是獲得究竟問以何義故而作此說頌自答言乘一切智因此如是義如理顯示乘謂乘馭一切者普盡義智因者以了別智而爲因故問何

佛母般若波羅蜜多圖集義論卷上

三

星四

人乘馭耶頌答言慧慧者大慧卽是佛故問何所說耶頌自答言分別諸相相者所謂普集作用故名爲相是相無對礙問是何等相頌言分別卽分別顯示諸行相故非說實性此如是等所說之義如實觀察乃至無有極微塵量外義自性可得成立是故世尊乘彼智聚開示分別所有一切作用行相間得何義故乃能如是所以頌言說三種依止徧計依他般若波羅蜜說三種依止徧計謂徧計依他及圓成實性

此言般若波羅蜜等者當知般若波羅蜜多有二種

法一者勝上二者所行勝上者謂離煩惱所知二障之智所行者謂名句文言說之相彼勝上者卽般若波羅蜜多自性所說彼所行者卽說法言義是自性作用問其所作用此中云何頌自答言說三種依止三種依止者此復云何如頌所言謂徧計依他及圓成實性徧計者謂諸愚夫於無三清淨智中徧計諸相執著對礙此說名爲徧計性依他性者謂無二智自性安住無明種子二有對礙而彼無明依他起故此卽說爲依他起性圓成實性者謂卽無二之智卽是圓成實性問云何說爲三種依止所以頌言

佛母般若波羅蜜多圖集義釋卷上

三

星四

無此等說句

一切徧計止

幻喻等見邊

此說依他性

此言無此等說句一切徧計止等者無謂無所有此句者謂如是等諸所說句等謂等其說法者彼止言無問此中行相其復云何故頌答言一切徧計止一切者卽普盡義徧計者謂虛妄巧異執著造作止謂止遣此如是等所說意者謂若有聞一切說者說止遣言智者應當畢竟了知一切皆是止遣徧計有相執著頌言幻喻等見邊此說依他性等者幻謂帝網等者等攝乾闥婆城等諸幻法幻者由他假法有所

成故今取彼幻喻此法故乃名幻喻見邊者謂由彼
喻曉如是法故名見邊此中意者謂若有聞說幻喻
等諸見邊義智者當知此卽是說依他起性此中當
知由彼幻等已見邊故是故世尊有所宣說問彼依
他自性云何了知圓成自性云何說事所以頌言
有四種清淨 說圓成實性 般若波羅蜜
佛無別異說

此言有四種清淨說圓成實性等者說謂表示謂以
四種清淨表示所有圓成自性四種者卽有四種類
清淨者無染義謂由得彼四種淨故乃名清淨

佛母般若波羅蜜多圓集要義論卷上

三

星四

佛母般若波羅蜜多圓集要義釋論卷第二

此言有四種清淨說圓成實性等者說謂表示謂以
四種清淨表示所有圓成自性四種者卽有四種類
清淨者無染義謂由得彼四種淨故乃名清淨

佛母般若波羅蜜多圓集要義釋論卷第三

第四卷

三寶大藏域龍菩薩造本論

宋西天三藏朝奉大夫試光祿卿傳法大師施護等奉詔譯

所言四種清淨者一自性清淨二離垢清淨三所緣清淨四平等清淨初自性清淨者即是無差別無二之智行相云何自性者謂本性不虛假即真我性於自性中有如是相如摩尼寶映現和合如佛所言一切眾生即如來藏彼一切法與善逝等而無自性此如是說即自性清淨二離垢清淨者離垢者即離諸

佛母般若波羅蜜多圓集要義釋論卷下

一

星五

垢染清淨之義已如前釋行相云何謂所行對治諸有觀力隨生相應無二之智此所作已所有世尊增上意樂事等即彼實際真如法界此如是說即離垢清淨三所緣清淨者所緣者謂即所有普盡般若波羅蜜多義等一切所緣境界作用又彼所得性或所成性亦是所緣於是所緣中而得清淨清淨之義已如前釋此如是說即所緣清淨四平等清淨者平等者齊等無差義即是平等微妙清淨法界大光明彼平等性乃多平等於是平等中而得清淨清淨之義已如前釋此如是說即平等清淨如是總說四種

清淨卽圓成自性是故說此般若波羅蜜多諸有行相如是言義此如是等和合作已離虛假法所以頌言般若波羅蜜此中云何謂卽所有般若波羅蜜多諸有所說言義自性謂佛世尊一切如是當知皆依三種相說非離依他等自性別有所成義此中所說行相云何謂若幻喻等見邊說已卽是說彼依他起性而無別異若依他起性說者卽是幻喻等見邊何以故無復有法故如是餘處亦然應知復次此中若說止門所有行相卽是說彼徧計之性而無別異若徧計性說者卽是所說止門何以故此法無故問圓

成實性中云何可有彼言說門以彼法中無有性故如是隨其所生分位卽彼如是所說分位而亦無實所以頌言

十分別散亂對治如次說
若卽若離說對治如次說

此言十分別散亂對治如次說等者謂卽所有十種分別散亂今此次第說彼對治卽相違對治及能所對治所言三種者謂徧計依他圓成實性如是三種如其次第知已者謂了知已所言若卽若離說者謂般若波羅蜜多教中有卽有離故此中總意若如是

了知已彼徧計依他等所有諸事相或卽或離彼一
一相如其所說顯明開示問此中云何若卽若離說
徧計等所以頌言
如初語圓成再隨依他及徧計
如初語圓成再隨依他及徧計
無相分別色
彼散亂止遣隨界此
此言如初語等者如者指法謂此如是八千頌般若
教中最初語言如彼經云須菩提隨汝樂說諸菩薩
摩訶薩般若波羅蜜多應當發起如菩薩摩訶薩般
若波羅蜜多出生等此如是語卽最初語此語依彼
圓成依他徧計三性而說如所說相卽圓成性等自
色相非無若於如是自色相中起色無相分別散亂
者世尊於此皆悉止遣問復次此義云何了知答如
彼最初語中依三種義說所有彼語今於此中略指
其義如彼經云如菩薩摩訶薩般若波羅蜜多出生
等出者卽出離義又出生義或得無上道義以要言
之或爲種種義界此如是說由此出生一切義故此
中復能出生稱讚等事謂佛菩薩等所有稱讚彼稱
讚相如前已說又如經言須菩提隨汝樂說諸菩薩
摩訶薩般若波羅蜜多應當發起諸境界事所言樂
說者謂得樂說慧及得樂說光明故名樂說此如是

等一段經文卽依他起性所說事相若如彼經從須菩提乃至出生等全段經文其中若有說彼實義卽是依彼徧計性說又如經言如菩薩摩訶薩般若波羅蜜多出生等此一段經文卽圓成實性所說事相是故所說有卽有離復次頌言
不見說者等
至了畢此知
彼佛亦菩提
止遣徧計性

此言彼者謂卽彼因此中云何謂諸愚者於般若波羅蜜多教中取著句義執實能知所知起諸徧計故

佛母般若波羅蜜多圓集要義論卷下

四

星五

此止遣問何法能止耶答止法應知問何人是說者頌自答言彼佛亦菩提不見說者等此中云何謂如所應安立句義能覺了者卽是佛故菩提者謂離煩惱所知二障之智等卽等攝菩薩聲聞所言說者卽是佛等謂若有於蘊等自性中顛倒徧計者佛爲說彼止遣法故此中如是卽有彼說者頌言不見者如理應知問而彼所說何等是其分限頌自答言至了畢謂此般若波羅蜜多教中自初至末而悉周畢是爲分限頌言止遣徧計性者謂此所說佛及菩提不見等義皆是止遣有相分別徧計性故問云何此中

但止徧計性不止圓成邪頌自通言空故空中取空
自性空彼色諸法俱相何所有說不此別異語中
了知已彼止頌不空故空彼言賦最諸通諸諸
此言自性等者自性者卽本性義空彼色者謂色自
性空若彼智相見有色故卽有所取如是一切計色
有實彼爲對礙於俱相中而有增相還成分別所分
別相其云何有所以頌言俱相何所有俱相者卽二
俱相謂色自性於勝義諦中無所取分位譬如人角
其義應知是故但止徧計不止圓成何以故勝義諦
中非有性故頌言此別異語中了知已彼止者此者

佛母般若波羅蜜多集義釋論卷下

五

星五

因義了知者解了義謂由於彼別異語中善了知已
卽能遠離所言彼止者止謂止遣謂卽止彼所有徧
計此如是等當知皆是止遣俱相分別散亂後當止
遣毀謗分別散亂如彼頌言
此不空故空
一切說皆止
所言此不空故空等者謂佛世尊於般若波羅蜜多
本母中宜說如是不空故空所言如是語所說者謂
卽說此如是語故所說云何所謂不空故空空性離
故所言諸毀謗分別者若有於此不空故空中取空

自性者是卽毀謗分別今悉止遣所言一切說皆止者一切者謂一切處一切種類說謂言說謂佛世尊不但此中止遣徧計分別於一切處執空之言皆悉止遣復次頌言

如幻亦然佛 彼如夢亦然 如是如次知

智語邊決定

此言如幻亦然佛彼如夢亦然等者當知此說亦是止遣毀謗分別如幻者以幻喻法故名如幻何者如幻謂卽佛故亦然者相續說義如夢亦然者謂卽彼佛亦復如夢此中若有說佛之言當知皆是說無二

佛母般若波羅蜜多圖集要論卷下

六

星五

智而彼自性與異生等相續有故但爲無明幻等之所覆故而諸愚者乃於自相隱而不現頌言如是如次知智語邊決定者謂如是所說如其次第如理而知知謂了知問何人能知頌答言智智卽智者問何等是語邊決定答所謂一切法如幻問此中止遣毀謗分別如是知已後復云何有所開示所以頌言諸同等所作 此說佛如幻 幻喻等言等

此說依他性

此言諸同等所作此說佛如幻等者同所作者謂同其幻此中意者若一切處無二智中無所生者彼諸

同等所作說不相應何所以邪以諸幻等皆有性故
此中如是佛亦有性是故頌言說佛如幻頌言幻喻
等言等此說依他性者上言等者等攝夢等復言等
者卽是因義說謂言說若說幻喻等言卽是說彼依
他起性此依他性佛所說故依他者謂依屬於他故
名依他此依他者卽無明自體此等分位有所依止
卽此如幻說佛亦然故應知非一切種一切無性
以自性清淨故彼等幻喻佛等所說一切皆然如是
等說若有毀謗分別者彼非如來藏一切眾生非無
二智何以故於一切有中毀謗分別故由如是故於
所成義而悉不成亦不和合問若勝義諦中無二之
智卽是如來者云何此中說異生智邪爲破此疑所
以頌言

佛母般若波羅蜜多圓集義釋論卷下

七

星五

若諸異生智 彼自性清淨 故說彼佛言
菩薩亦如佛 此言若諸異生智 彼自性清淨者 卽諸異生本性清
淨體卽自性清淨之智 所云說彼佛言者 謂說彼佛
如實無二智 故此說異生智亦復同等 問若以所行
相中如是說者 其復何如 頌自答言 菩薩亦如佛 以
無二智所生如是義 故是故菩薩亦卽如佛 由此因

故佛及菩薩說無別異問若異生若諸佛於如實智
中有所生者云何前言無所得邪頌自通言

自性自色覆彼無明因作如幻別異現

果如夢棄捨

此言自性自色覆彼無明因作者謂諸異生和合自
識自性無二由彼無明爲因所作起我我所我謂自
性我所謂自色以自色覆故別異所現故起二相是
相無二亦無有實此復何如頌言如幻於是如幻無
自性中取實物性而彼所取與無二智而爲對礙問
若此無二智自性與異生智自性平等說者何故異

佛母般若波羅蜜多圖集義釋論卷

八

星五

生識中無所出現答以能取所取顛倒之性所隱覆
故然如來識中於一切時常所出現以清淨性故問
若諸異生清淨性中而無有果真實出現者卽一切
時無明堅著其復云何是故頌文破此疑言果如夢
棄捨棄捨者卽不取著義此中意者所有自性清淨
智中非無果性但爲無明所隱覆故如聞思等慧和
合所作其所得果而無實義此中亦然如夢中果覺
無實義無相可表雖和合而作似有所得得已棄捨
此說決定是爲正理復次頌言
無二別異說果等定毀謗毀謗諸分別

彼毀謗此說

此言無二別異說等者謂諸愚夫於無二智中別異所現起顛倒見著於二種境界之相頌言果等定毀謗者果等者謂於果等境界真如相中決定毀謗今此止遣頌言毀謗諸分別等者謂毀謗故起諸分別而彼毀謗諸分別等今悉止遣頌言此說者爲止遣故今此說言不空故空爲令棄捨彼虛假說應知此中色卽是空復次此中一性分別有所起現此復云何謂般若波羅蜜多本母中說若色空卽非色作此如是和合所說爲令止遣一性分別決定語義所以

佛母般若波羅蜜多圖集要義論卷下

九

星五

頌言

色空非和合

彼互相違礙

無色無空名

色相自和合

此言色空非和合者謂色與空不和合故不和合者不相應義問何故不和合頌自答言彼互相違礙謂色空二互相害故相違行相此中云何頌言無色無空名謂若無色卽無空以無自性故譬如虛空蓮華其義應知頌言名者卽印可義印可此說無自性故頌言色相自和合者謂青黃赤白眾色之相而自和合此中總意彼有自性及無自性應知二種決定相

違復次頌言

此一性分別對治種種性空不異彼色

彼空何所有

所言此一性分別等者此者因義由是因故謂即表
示對治止遣一性分別是故此般若波羅蜜多教中
所說若色空即非色此中如是爲令止遣一性分別
故所以頌言空不異彼色彼空何所有如上頌言對
治種種性者謂即止遣種種性中有所分別是故此
般若波羅蜜多本母中作如是說所謂空不異色此
如是語云何所作以空礙色故問何所止耶答止遣

佛母般若波羅蜜多圖集要義論卷下

十

星五

種種性分別此復何因所謂彼空不異色蘊之相色
何所有是故此說色即是空離空無有少色可得以
無所有故如是所說悉爲止遣種種性分別散亂問
此復何因離空無色所以頌言
此無實所現
彼無明所起
此無實能表
彼說無明故

所言此無實所現等者無實者謂無所有此所出現
而爲對礙頌言彼無明所起者謂所有色彼色自性
有所執著無明所起執著者蓋障義若於如是不實
所現中取著有性者是爲蓋障是故此中增上意說

空不異色問所有諸異生自性清淨智云何彼中說
無明言是故頌文破此疑言此無實能表彼說無明
故無實者謂不實句義表卽表了能謂力能爲無實
故非所能表此中總意說無明故非勝義諦復次頌
言類文主本默其義顯明此中取最破來尋土員實
此如是說色義表般若波羅蜜等無二二如是其
二分別對治由問思起蓋聯合權成收攝等對二
所言此如是說色般若波羅蜜等者謂此般若波羅
蜜多所說色義卽自性清淨智而能遣除能取所取
隱覆性故般若中所說者卽慧力故問若無明相分
別起現彼以何對治頌自答言無二二如是二分別
對治此中意者若彼如是二有所現卽以勝義相中
無二自性清淨之智而爲對治卽對治彼有性無性
二分別相復由聞思修慧和合對治如是對治彼二
相已此如是義是卽真實如理對治如曠野中見其
陽敬妄生水想其義應知此中如是如來最上真實
了知故於般若波羅蜜多本母中如實而說復次當
知此般若波羅蜜多中所說十種分別散亂皆以無
分別智而爲對治問若如是者何故總攝但說二種
分別對治豈非過失耶答此亦無過謂卽如是於此

二中而能隱攝亦能止遣餘諸分別是故此意總攝
二種又問若此二種已能隱攝餘分別者何故世尊
復說多種分別散亂耶答此中意者但爲眾生意差
別故義自和合且止斯論

取職言帶對... 亦然不可得... 對無對...
對次此中隱示世尊... 五聖... 取... 言...

佛母般若波羅蜜多圓集要義釋論卷第三

佛母般若波羅蜜多圓集要義釋論卷下

三

星五

佛母般若波羅蜜多圓集要義釋論卷第四

三寶尊菩薩造

大域龍菩薩造本論

宋西天三藏朝奉大夫試光祿卿傳法大師施護等奉詔譯

復次此中顯示世尊所說正理如彼頌言

如理言淨性亦然不可得性無性違等

種種性定見各且... 證...

此云如理言等者謂隨染分別以智對治諸有散亂

是故如理之言世尊於般若波羅蜜多中正說頌言

淨性者謂卽如理自性清淨光明而能對治彼不清

淨諸有散亂頌言亦然者卽聚集義此一性等性所有聚集量不可得如理之言卽如量義體卽無二之智彼能對治此爲決定問此復何等量不可得答此說此量不可得故所有自受非他相所增如樂等自受若言論安立卽如實智自性所得相違他相有增自受不成對治量故此中非彼所知青等相一多性異有分別故是故決定觀察自受成就所行悲惑卽非外門所照現性不爲他相有增動亂何以故所有青等諸相勝義諦中無實性故此唯有智如實了知此無過失若於外事如其自受以如是義有所安立卽不如義此有過失而非決定見邊成就何以故以樂等受於外諸處無有性故亦非異處有所伺察此中樂等受卽樂等自性受非樂等相受此等所說卽離能取所取二相之智此非別異所有問若今無彼能取所取識者云何於後有彼識性答此中但離能取所取相彼後識相雖有而非語言表示彼有之性眞實表示如理和合是故此說彼一切識若比量智而非此中和合所成何以故以彼無二之相非有二相領受所行若有二相彼量不成以彼二相而爲對礙如執兔角豈非過失何以故非能取聲中說有智

相以彼決定無有性故然以彼識於外青等諸相而
有對礙彼一多伺察有堪任性非真實意而亦非識
離勝義諦有所取故彼無性等樂取決定所有智相
體性此爲能取此爲所取此說無彼能取之相以體
及業互相樂取決定性故非智相自受中說能取聲
亦無智相互相樂取決定自理如是如所生性故彼
如是智相自受中而正安立如其所說離能取所取
之性此說爲無二卽智相自受現量成就非一切眞
實顯示和合若復執彼決定無分位性卽無二智相
中有所動亂種子隨生不隨智相無二對現所生若
執決定無二之相此中還成執著分別非此智相同
法之中而得成就是故所有一切義中而成毀謗當
知世俗及勝義性決定如是無所有義此中顯明義
者如佛所說智卽是明世俗卽無明若明若無明智
如實知別異種類亦無所生是故彼等如實不顛倒
相卽智明相而爲對治當知決定若彼勝義諦中決
定無自性者如虛空雲彼非對治以彼所有如理對
治真實所行得相應故如熱自性冷物對治此不實
義表示無明亦然以如實義說者此無二智自性因
中有其多種若此中決定彼世俗相計有性者此不

可說於所行中卽有二相智實無二問若如前言智
卽是明世俗卽無明者如是所說豈非此中自語相
違邪以明白性異世俗有性故啓明之無二相卽是
勝義性此如是說正理成就若世俗所欲領受古師
仙人於此語中亦有異義如餘處說此不復引此中
如後正理頌言性無性違等所言等者卽攝集義非
唯如前所說正理離分別智對治散亂此有性無性
相違當知彼亦決定對治謂如所有種種性等無性
自性離分別智卽是對治當知此中若性若相由智
力能顯示正義彼復云何勝義諦中無有諸色一性

佛母般若波羅蜜多圖集要義論卷下

五

五

等生若復無所有卽種種性定見所言定者是決定
義卽一性決定以明力故作如是說云何此中作如
是說所以頌言

說此色唯名五眞實無自性六彼自性分別對

容受卽當止七

此言唯名等者謂卽此般若波羅蜜多中世尊所說
此色唯名唯名者此卽唯想是故眞實勝義諦中有
所安立然色蘊相無自性空謂由如是因故卽自性
分別於此容受所分別者謂堅強性等境界自性是
故有此分別增相乃起如是自性分別如是所有自

性分別容受多種故此皆止止謂止遣如是等說皆
止自性分別散亂此般若波羅蜜多本母中復爲前
義遣除過失故說頌言

色及色自性

空如先所說

彼自性俱相

分別此止遣

此言如先說等者說謂言說謂卽如先所有彼說何
所說邪故上頌言色及色自性此中空故彼如是說
遣彼自性俱相分別上言色者卽是色之自共二相
此自共相及色自性是等皆空於大種等俱相之中
起分別增相彼自性俱相分別對治問此與前第三

佛母般若波羅蜜多圓義釋論卷下

六

星五

止遣俱相分別行相云何答若前所說俱相分別散
亂者彼中色及色自性二俱有故此中止遣俱相者
但爲止其自共相故行相云何所謂此中堅強性等
相差別而有是謂此中俱相故此止遣此亦非唯止
遣如是分別餘諸分別散亂亦復止遣復次頌言
不生不滅等 所有諸法觀 佛言若散異

彼差別分別

此言不生等者謂卽如世尊於般若波羅蜜多中
作如是說觀於諸法不生不滅是故如是言若有散
異安處此卽差別分別若見色等差別生滅之相卽

此如是色之自性差別分別此中當離是卽止遣差別分別散亂此如是說亦復止遣後諸散亂所以頌言
虛假名言等 彼法若分別 聲義二非合

彼非自性意

此言虛假等者卽般若波羅蜜多本母教中和合表示謂虛假名卽想分別說如後般若波羅蜜多本母教中和會別別如是法此分別之聲所有語言法句義等彼分別俱相是故聲義二種非自性和合而非世尊最勝意樂亦非他意樂若於分別工巧造作彼

佛母般若波羅蜜多圓集義釋論卷下

十七

星五

復外義取著卽諸愚者安立動亂如是所行而非此中有少義可得以外義執著非語義安立開諸愚者動亂之門此中止遣是相所行隨轉卽於聲義無少可得以彼如是如名分別不實有故若於所說事相如名分別卽非意樂由彼因故此中一切如名如想分別和合不實有彼所說事相故非世尊最勝意樂何以故若如名於義分別卽於名義有所增廣於外事中無實能說所說性故如是止遣如名於義分別散亂問何等分別耶答謂名分別彼名亦復無有說者是故頌言

般若波羅蜜

佛菩薩亦然

此所說唯名

離實義分別

此言般若波羅蜜等者謂名離於義如是名之實義自性分別世尊說言故此止遣何所說耶是故頌言般若波羅蜜佛菩薩亦然此既唯名般若波羅蜜多中何處容說有實自性謂由如來如是言故說名之聲亦無自性此中所有各別表示佛菩薩名當知於無二智中非此止遣此復何因是故頌言
所有聲義止遣 此非事止遣 如是餘亦知
語中義決定

佛母般若波羅蜜多圓集義釋論卷下

六

星五

此言所有等者謂卽所有聲義二種此說止遣頌言此非事止遣者謂無二智不止此中事相作用然彼無言之性不可說故問今所說義是爲正理餘處云何頌自答言如是餘亦知如是者謂卽如是從初所說是義決定餘謂所餘種類語中亦然了知所謂了知此義決定此中意者謂於般若波羅蜜多中如實宣說不顛倒義成就真實了知一切名性正不可得以此語義施設表示復次頌言
此無所得正 一切名實知 如義性如是
不止遣彼聲

此言此無所得等者謂如義之性彼無所有不可得
故此說爲正此何所說耶頌自指言一切名問何人
能實知答卽一切智實者不顛倒義知謂了知卽眞
實知故頌言不止遣彼聲者謂若聲義二種彼實義
性說不可得以是因故不止彼聲謂以聞智所取之
聲不可止故如是當知決定最勝意樂悲愍所行悉
無障礙如是止遣如義於名分別散亂如是等義眞
實意樂說已如順有論頌言

所有所有一切名

彼彼諸法有所說

而彼所說非實有

卽一切法同法性

佛母般若波羅蜜多圖集義釋論卷下

七九

星五

所有彼名名性空

能名之名無所有

而一切法本無名

立以強名而表示

實意樂一切唯名此當知

一切想中假安立

無倒彼所聚名差別性

當知彼名無所有

如尊者須菩提所問般若波羅蜜多中決定止遣聲

義二耶故頌釋言

須菩提二離不立聲聲義如是菩薩無有名

我見此有說

此言須菩提等者謂須菩提了知聲義二種離其安
立此中意者聲謂說者之聲聲義謂所說之義云何

菩薩無有名以菩薩名無所有不可見故須菩提於般若波羅蜜多中乃有所說此中意者決定二種分別性最勝意樂中遠離虛假聲別異之性此中決定語言向義表示是故頌言

般若波羅蜜

語無決定生

伺察唯智者

此義微妙慧

此言般若波羅蜜等者無謂無所有即般若波羅蜜多中彼和合語決定無所有無所說無戲論如是應知一切語言中所說決定向義云何是向義謂即如前如所說義彼解釋門頌言伺察唯智者此義微妙慧者伺察者謂細伺審察此義者即三十二品諸有聲中總說決定頌言智者即智者之智能知語義微妙慧者即畢竟微妙清淨之智行相云何謂即此智於一切境界中無著無壞而般若波羅蜜多於響聲中有所聞故爲表示此義所以頌言

若別義分別

相續義除遣

般若波羅蜜

彼言說如響

此言相續義者謂若往若現相續造作之義除遣者棄捨義謂於如是義棄捨執著何以故以般若波羅蜜多若見若聞彼有所說皆如響聲又如金光對現

色相以是義故若往若現相續造作有所分別有所執著皆應棄捨由此般若波羅蜜多中一切所說皆如響聲是義總略復次爲欲顯明斯義如有頌云

所有諸教勿厭捨
亦復不應生毀謗
見如實已住真實
以彼真實而表說

今此義中總略所成表示頌言

總略如是義
般若等依止
如是義循環

復別義依止

此言總略如是等者所有十萬頌般若波羅蜜多總略一切如是等義皆依止此般若波羅蜜多相續三

佛母般若波羅蜜多圓集要義釋論卷下

三

星五

十二品總略攝故如是當知後無增廣頌言如是義循環者謂於如是義一向重復循環研覈問研覈何等義耶頌自答言別義依止此中所說別義之言卽問難別義問謂分別差別問難有所依據謂菩提分法佛功德蘊於此法中如是重復循環研覈若如是總略所說所成別義有依據故卽三十二品各別自性收攝循環今此所釋八千頌般若波羅蜜多一切文義普盡所釋所生福聚畢竟廣大悉用迴向故頌說言

般若波羅蜜
正攝八千頌
彼所得福蘊

皆從般若生

此言般若波羅蜜正攝八千頌者謂此八千頌般若波羅蜜多中所說自性八千者此之數量普攝如是數量中義總聚已釋頌言正者不顛倒義彼正教中何所生耶頌自答言彼所得福蘊得者獲義如是清淨所成福聚皆從般若波羅蜜多出生以般若波羅蜜多出生故所得福聚甚深廣大以是所得深廣福聚普用迴向一切世間悉令獲得般若波羅蜜多畢竟勝妙清淨之智於是無虛妄勝第一義諸正句中如理伺察我此所造解釋之文所生福聚今此說意

佛母般若波羅蜜多圖集卷義釋論卷

三

星五

者普令一切世間悉得清淨頌曰

釋迦師子諸苾芻 所有如是福高勝

此所說意利世間 由勝福故任真實

佛母般若波羅蜜多圓集要義釋論卷第四

音釋

伺

相吏切

循環

循祥遵切 環戶關切

研覈

研五堅切 窮究也 覈下革切 考也

